

**VESTFIRSKIR
VERKTAKAR**
www.vverk.is

Hábrýstipvottur
Kjarnaborun
Steinsögun
Sími: 456 6600

Nýtt og öflugt
verkfæri
til íbúðakaupa

• Greiðslumat á netinu
• Lánsúmsókn á netinu

Íbúðalán.is
www.ibudalan.is

Landsbankinn
Símanúmer
Landsbankans
á Ísafirði
er
410 4156

Landsbankinn
Sími 410 4156
Fax 410 3018

BÆJARINS BESTA
Óháð fréttablað á Vestfjörðum í 20 ár
Stofnað 14. nóvember 1984 · Sími 456 4560 · Veffang: www.bb.is · Verð kr. 300 m/vsk

Fimmtudagur 14. júní 2007 · 24. tbl. · 24. árg.



Ógnir skólans eru þær sömu og samfélagsins

– Ingibjörg S. Guðmundsdóttir hefur stýrt Menntaskólanum á Ísafirði í vetur og snýr nú aftur til fyrri starfa sem skólameistari Kvennaskólans í Reykjavík. Hún tók við stjórnartaumunum á erfiðum tíma hjá MÍ en yfirgefur nú Ísafjörð með góðar minningar í farteskinu



Var orðinn
hundleiður

Stórlúða fékkst á stöng í Súgandafirði

Þeir réðu sér vart fyrir kæti sjóstangveiðimennirnir á sjóstangveiðibátnum Bobby 9, þegar þeir stilltu sér upp fyrir myndatöku við hliðina á þessari myndarlegu stórlúðu, en lúðuna hafði einn þeirra veitt á sjóstöng fyrr um daginn grunnt út af Súgandafirði. Eftir myndatöku var lúðinni skellt á hafnarvogina á Suðureyri og reyndist hún vera 71 kg.

Áð sögn Elíasar Guðmundssonar, eins eiganda Hvíldarkletts ehf. sem gerir út 14 sjóstangveiðibáta frá Suðureyri, er þetta ekki í fyrsta skipti sem sjóstangveiðimenn frá honum setja í stórlúðu út af Súgandafirðinum. Áhöfn eins bátsins kom í land fyrir stuttu og sagði tröllalýsingar af stórlúðu sem þeir misstu og segir fiskisagan að hún hafi verið vel á annað hundrað kíló. Í fyrstu var talið að um hefð-

bundna ýkjusögu hafi verið að ræða, alþekkt er stærstu fiskarnir eiga það til að sleppa. Öll tvímæli um stærð lúðunnar voru tekin af þegar veiðimennirnir sýndu myndbandsupptöku af slagsmálunum við lúðuna. Eftir mikil átök, hafði lúðan á endanum haft betur og sleit sig lausa.

Elías segir að vertíðin hafi farið mjög vel af stað hjá sér, þrátt fyrir frekar leiðinlegt veðurfar. Stangaveiðibátarnir, sem eru með 4-6 menn í áhöfn, hafi verið að fiska að meðaltali 2-300 kg. á dag. Aflahæsti báturinn hafi þó landað 570 kg. eftir dags sjóferð.

– smari@bb.is

Sjóstangveiðimennirnir fimm kampakátir með stórlúðuna sem fékkst út af Súgandafirði. Mynd: Sturla Páll Sturluson



SAGÐI BANKANUM SÍNUM UPP!
Ætlar að reyna við Sparisjóðinn

Við lögum okkur að þínum þörfum

Það er grundvallaratriði að þú sért í góðu sambandi við það fjármálfyrirtæki sem þú skiptir við. Hjú Sparisjóðnum leggjum við mikinn metnað í að veita góða og persónulega þjónustu með hagsmuni og þerfrí vískað vana okkar að leiðarjösi. Traust og gott samband er farsælt fyrir báða aðila.

SPARISJÓÐURINN
– fyrir þig og þína

Við flytjum allt ...
... og ekkert er of stórt fyrir okkur

EIMSKIP
Flytjandi

Franskilla | 400 Ísafirði | Sími 525 7800 | Fax 525 7899 | www.flytjandi.is

Dagurinn í dag

14. júní 2007 – 165. dagur ársins

Þennan dag árið 1949 var þyrllu flogið í fyrsta sinn á Íslandi. Þetta var tveggja sæta „helicopter-flugvél“ af Bell gerð. Hún hafði verið flutt til landsins svo hægt væri að reyna slíka flugvél við björgunarstörf og strandgæslu.

Halli á rekstri Súðavíkurhrepps

Neikvæð niðurstaðaer á ársreikningi Súðavíkurhrepps að teknu tilliti til afskrifta og fjármagnsliða. Ársreikningur Súðavíkurhrepps og stofnana hans fyrir árið 2006 var tekin til seinni umræðu á fundi sveitarsjórnar hreppsins þann 31. maí. Rekstrartekjur sveitarfélagsins, A og B hluta á árinu námu kr. 144,7 millj. Rekstrargjöld A og B hluta voru samtals kr. 152,7 millj. Rekstrarniðurstaða A og B hluta fyrir fjármagnsliði og afskriftir var jákvæð um kr. 1,9 millj. Afskriftir A og B hluta voru kr. 10 millj. og fjármagnstekjur umfram fjármagnsgjöld voru samtals kr. 6,8 millj. Rekstrarniðurstaða A og B hluta að teknu tilliti til fjármagnsliða og afskrifta var því neikvæð um kr. 1,3 millj. Eigið fé sveitarfélagsins í árslok 2006 nam kr. 610,1 millj.

Íslendingar bætast í viðskiptahóp Fjord fishing

Fyrsti Íslendingurinn leigði sómabát hjá Fjord fishing og Sumarbyggð hf., í Súðavík á föstudag. Það var Barði Ingibjartsson skipstjóri og umsjónarmaður Fjord fishing bátana sem afhenti Garðari Sigurgeirssyni trésmið í Súðavík lykklana af bát-

um. Var ferðinni heitið í Vigur og síðan á sjóstöng í Djúpinu. „Mikið hefur verið spurt um leigu á bátunum og greinilega mikill áhugi hjá Íslendingum að prófa sjóstöng“, segir í tilkynningu. Áður en lagt er af stað þarf sá sem stýrir bátunum að fá kennslu á

bátinn og meðferð hans og tækja um borð hjá Barða Ingibjartssyni. Einnig er farið yfir sjókort og fleiri atriði. Hægt er að bóka báta hjá Sumarbyggð í Súðavík. – thelma@bb.is
Barði Ingibjartsson afhendir hér Garðari Sigurgeirssyni lykklana.



Frá undirritun samningsins. Athygli vakti að jafn margar konur og karlar undirrituðu samninginn. Myndir: Albertína Friðbjörg Elíasdóttir.

Samstarf að menningarmálum

Samningur um samstarf að menningarmálum á Vestfjörðum var undirritaður í Sauðfjársetrinu á Ströndum á sunnudag, af fulltrúum sveitarfélaga á Vestfjörðum. Undirritun samningsins er lokapunkturinn á samningsgerð milli ríkis og sveitarfélaga á Vestfjörðum um menningarmál á Vestfjörðum.

Tilgangur menningarsamningsins, sem og samstarfs-

samnings sem þegar hefur verið undirritaður milli ríkis og sveitarfélaga á Vestfjörðum, er að efla menningarstarf á svæðinu. Einnig verður með samningunum stuðningi ríkis og sveitarfélaga á Vestfjörðum við menningarstarf beint í einn farveg og áhrif heimanna aukin í uppbyggingu og forgangsröðun verkefna á sviði menningarmála.

Að því er fram kemur á

heimasiðu Fjórðungssambands Vestfjarða, ríkti mikil kæti við undirritunina, en auk undirritunarinnar fluttu formaður stjórnar Fjórðungssambands Vestfirðinga, Anna Guðrún Edvardsdóttir og formaður Menningarráðs Vestfjarða, Gunnar Hallsson, ávörp. Einnig voru skemmtiatriði frá hverju samstarfssvæði. Elvar Logi Hannesson, leikari, flutti hluta af einleiknum Skrímsli

fyrir Vestur-Barðastrandarsýslu, vinimir Halldór Smáráson og Halldór Sveinsson fluttu tónlist á píano og fiðlu fyrir Ísafjarðarsýslur og Sigurður Atlason frá Stranda-galdri kenndi gestum hvernig draga mætti að sér fé með galdri fyrir Strandir og Reykhóla.

– tinna@bb.is

Halldór Sveinsson og Halldór Smáráson spiluðu við undirritunina.



Skólaskipið Sæbjörg á Ísafirði

Sæbjörg, skólaskip Slysavarnaskóla sjómanna er í höfn á Ísafirði. Vestfirskir sjómenn sækja þar bæði grunn- og endurmenntunarnámskeið slysavarnafræðum sjómanna. Nýmæli eru að sérstakt endurmenntunarnámskeið er haldið fyrir Pólverja en þeir eru í auknum mæli farnir á sækja sjóinn á Vestfjörðum. Hilmar Snorrason skóla- og skipstjóri segir að kennt sé á íslensku en túlkur er kennurum til aðstoðar. Þrátt fyrir að margir Pól-

verjana séu ágætir í íslensku sé það öryggisatriði að námskeið komist til skila og ekki hættandi á að misskilnings gæti. Námskeiðin standa yfir fram í miðja næstu viku og heldur þá skipið til Hólmavíkur.

Sæbjörg sem áður hét Akraborg og sigldi milli Akraness og Reykjavíkur siglir hringinn í kringum landið frá maí fram í september og heldur námskeið fyrir sjómenn. Slysavarnaskóli sjómanna er í eigu

Slysavarnafélagsins Landsbjargar en hann var stofnaður árið 1985 til að sinna öryggisfræðslu fyrir sjómenn.

Námskeið skólans eru öllum opin en á námskrá er að finna námskeið, sem henta þeim sem vinna á sjó, við hafnir eða dvelja við leik og störf við ár eða vötn. Frá upphafi hefur verið lögð áhersla á fjölda afmarkaðra námskeiða, sem sniðin eru með þarfir íslenskra sæfarenda í huga.

– smari@bb.is



Sæbjörg í höfninni á Ísafirði.

Samþykking tillögu um byggðakvóta

Bæjarstjórn Ísafjarðarbæjar hefur lagt til að formaður bæjarráðs og bæjarritari geri tillögu til sjávarútvegsráðuneytis um sérstakar reglur um úthlutun byggðakvóta í sveitarfélaginu vegna fiskveiðisins 2006/2007 og hafi eftirfarandi þætti til hliðsjónar: Að þeir sem þiggi heimildir, landi a.m.k. tvöföldu því magni til vinnslu í sveitarfélaginu. Vinnsla sé skilgreind sem flatning eða flökun. Að vinna megi afla vegna þessara heimilda hvar sem er í sveitarfélaginu, óháð byggðalagi úthlutunar. Að þau skip sem sótt er um fyrir hafi verið með aflaheimildir þann 1. maí 2007. Að þeir sem fengu úthlutað byggðakvóta síðast þegar úthlutað var fái eingöngu úthlutað nú, geti þeir sýnt fram á að hafa staðið við kvaðir um löndun til vinnslu. Þeir sem landa umtalsverðu magni njóti þess, með hlutdeildarmargfeldara sem hlaupi á 50 tonnum landaðs magns, en nái að hámarki gildinu 10.



Axel í Ísafjarðarhöfn.



Bjarni Sigurðsson (tv) og Ari Jónsson, eigandi Dregg shipping.

beint til og frá útlöndum án þess að þeim sé skipað upp í Reykjavík og segir Bjarni Sigurðsson, framkvæmdastjóri Dregg shipping, að það sé þó nokkuð hagkvæmara. Bjarni segir það vera mikið hagsmunamál fyrir landsbyggðina að strandsiglingar haldist við lýði sem og millilandsiglingar milliliðalaust

til og frá landbyggðinni. Að sögn Bjarna er ekki komið á hreint hver verður umboðsmaður Dregg shipping á Ísafirði en unnið er í því máli. Axel er með frysti- og kælilest og er skipið smíðað í Danmörku árið 1989. Skipið hér áður Greenland Saga og var í siglingum á Grænlandi.

– smari@bb.is

Strandflutningar hafnir á ný

Strandflutningar eru hafnar á ný en flutningaskipið Axel kom til hafnar á Ísafirði á

sunnudag. Skipið er í eigu Dregg shipping á Akureyri og verður í siglingum um strand-

lengjuna auk þess sem það mun sigla til Danmerkur og Eyrarsaltslandanna.

Skipið mun koma við á Ísafirði á 18 til 20 daga fresti og verður hægt að flytja vörur

Framkvæmdir við GÍ ganga vel

Framkvæmdir við Grunnskólann á Ísafirði eru áætlan en síðan verkið hófst í fyrrasumar hefur risið ný viðbygging við hlið gamla barnaskólans. „Þeir eru búnir með steypuvinnu og eru nú að fara í að múra húsið að utan. Þá eru þeir líka byrjaðir á innanhúsbreytingum á gamla skólann sem voru innifaldar í verkinu“, segir Jóhann Birkir Helgason bæjartæknifræðingur Ísafjarðarbæjar en Vestfirskir verktakar hafa verkið með höndum.

„Ég býst við að þeir setji kraft í að græja húsið að utan í sumar og fari svo í að setja upp glugga og klára þakið í

haust svo ætla má að húsið verði orðið fohelt þá. Verkinu á að vera lokið 1. júlí 2008 og eiga nemendur næsta haust að hafa aðgang að hinu nýja skólahúsnæði. Fyrsti, annar og þriðji bekkur grunnskólans eru nú í kennslustofum í kaupfélagshúsinu og aðrar þrjár kennslustofur eru á efri hæð Sundhallarinnar.

Verkið er það stærsta sem hefur verið ráðist í á Ísafirði í mörg herrans ár. Tilboð Vestfirskra verktaka í bygginguna hljóðaði upp á 370.813.369 krónur er 102,7% af kostnaðaráætlun. Kostnaðaráætlun hljóðar upp á 361.217.369 krónur. – thelma@bb.is



Viðbygging hefur risið við hlið gamla barnaskólans.



Verkið er á áætlun.

21% ísfirskra barna í óviðunandi öryggisbúnaði í bíl

Aðeins 79% ísfirskra leikskólabarna er ekið til leikskóla í viðunandi öryggisbúnaði. Þetta kemur fram í árlegri könnun Slysavarnafélagsins Landsbjargar, SjóváForvarnahúss og Umferðarstofu um öryggi barna í bílum. Í könnuninni kom í ljós að af þeim 48 börnum sem keyrð voru í leikskóla á Ísafirði voru 38 í bílstól

eða á bílpúða, en 10 voru aðeins í bílbelti, sem þykir ekki fullnægjandi öryggisbúnaður fyrir börn á leikskólaaldri. Könnunin var framkvæmd í fjórum bæjum og þorpum á Vestfjörðum; Ísafirði, Patreksfirði, Bíldudal og Suðureyri.

Á Patreksfirði var sjö af 12 leikskólabörnum í viðunandi öryggisbúnaði á leiðinni í leik-

skólann, en tvö voru alveg óvarin, hvorki í bílstól/púða, né með belt. Á Suðureyri var eitt barn af sjö ekki í neinum öryggisbúnaði og á Bíldudal eitt barn af 11. Á landsvísu voru 86,4% barna voru með réttan öryggisbúnað. 9,2% barna voru eingöngu í bílbeltum og 4,4% eða 86 börn voru algerlega óvarin og þ.a.l. í lífs-hættu.

Í könnuninni kom fram að beltanotkun ökumannsins hafði áhrif á það hvort barnið var í verndarbúnaði. Börn þeirra sem notuðu ekki bílbelti voru laus í um 13% tilfella en í 1,8% tilfella hjá þeim sem voru með belt. Könnunin var gerð við 58 leikskóla víða um land og var búnaður 1944 barna skoðaður. – tinna@bb.is



Stórsveitin á sviði í Edinborg. Myndir: Páll Öundurson.

Góður Fnykur í Edinborgarhúsinu

Stórsveit Samúels J. Samúelsson átti stórleik á tónleikum í Edinborgarhúsinu á laugardagskvöld. Það er ekki á hverjum degi sem Ísfirðingar fá tækifæri til að hlusta á og sjá átján manna stórsveit á sviði. Ágætis mæting var á tónleikana og skemmtu gestir sér hið besta. Samúel gaf út geisladiskinn Fnyk á dögunum og voru tónleikarnir liður í að kynna þá plötu auk þess að vera einn viðburður í opnunaráttíð Edinborgarhússins.

– smari@bb.is



Samúel þenur básúnuna.



Góður rómur var gerður að tónleikum.



Lisbet við búið.

Fiskabúr í Neðsta


Miklu fiskabúri er búið að koma fyrir Neðstakaupstað á Ísafirði. Það er Lisbet Harðardóttir sem er konan á bakvið hugmyndina sem og smíði og uppsetningu búrsins. Lisbet segir að hún hafi fengið hugmyndina þegar hún var í fæðingarorlofi og hafði ekkert að gera. Hún tekur fram að engin hugsun sé á bak við ævintýrið önnur en sú að láta sér ekki leiðast.

Fjórar tegundir eru í búrinu, þorskur, ufsi, kóli og marhnútur.

ur. Einnig var í búrinu skötuselur, en hann lést langt fyrir aldur fram eftir röð fólksku-legra áraða stærsta þorsks búrsins. Þorskinum atarna hefur verið sleppt aftur í sjóinn, enda var hann með öllu óalandi. Hvort frelsið sé viðeigandi refsing fyrir ódæðið skal ósagt látið. Fjöldi manna aðstoðaði Lisbet við verkið og vill hún koma á framfæri þakklæti til þeirra allra.

– smari@bb.is

Lisbet kysir óargadýrið sem myrti skötuselinn hinsta kossi áður en honum var sleppt í sjóinn.



Saltfiskurinn metinn á fagmannlegan hátt

Saltfiskur þurrkaður á reitunum

Sólin sleikti Ísfirðinga á föstudag og tóku þá við hefðbundin sumarverk. Eitt af þeim er að breiða úr saltfiski á reitunum í Neðstakaupstað. Þegar ljósmyndara bb.is bar að garði var verið að breiða úr saltfiski, ekki er forsvaranlegt að missa af jafngóðum þurrki og var á föstudag. Sólþurrkaður saltfiskur frá Byggðasafninu er nokkuð vinsæll og þykir sælkeramatúr. Tvö tonn voru verkuð í fyrra og seldist allt upp.



GODI

30% afsláttur
129 kr
 Verð áður 186 kr
 Nautahamborgarar 90 gr úr kjötbörðl*

Úrval af helgartilboðum

Fjöldi annarra girnilegra tilboða sem gilda 14. júní - 17. júní

 <p>GODI</p> <p>1.599 kr/kg Verð áður 2.298 kr/kg</p> <p>30% afsláttur</p> <p>Lambakótilettur í ítalskri marineringu</p>	 <p>419 kr/kg Verð áður 699 kr/kg</p> <p>40% afsláttur</p> <p>Matfugl</p> <p><small>- Efstani með 1000i Fyrirhafi</small></p> <p>Ferskur kjúklingur 1/1</p>	 <p>GODI</p> <p>2.638 kr/kg Verð áður 2.348 kr/kg</p> <p>30% afsláttur</p> <p>Lambalæris-sneiðar NZ style</p>
 <p>389 kr/kg Verð áður 649 kr/kg</p> <p>46% afsláttur</p> <p>Kjúklingaleggir magnkaup</p>	 <p>GODI MIG ELSKAST</p> <p>396 kr/kg Verð áður 619 kr/kg</p> <p>36% afsláttur</p> <p>Grisahnakki úrbeinaður</p>	 <p>129 kr/kg Verð áður 168 kr/kg</p> <p>+50%</p> <p>Homeblest 300 gr</p>
 <p>109 kr Verð áður 167 kr</p> <p>Pepsi 2 l</p> <p>109 kr Verð áður 174 kr</p> <p>Pepsi light 2 l</p>	 <p>GODI Hraun BITAR</p> <p>159 kr Verð áður 211 kr</p> <p>Freyju Æði-og Hraunbitar 200 gr</p>	 <p>199 kr/kg Verð áður 299 kr/kg</p> <p>Blómkál erlent</p> <p>99 kr/kg Verð áður 199 kr/kg</p> <p>Sitrónur</p>

Samkaup úrval

Akureyri • Blönduós • Bolungarvík • Borgarnes • Dalvík • Egilsstaðir • Hafnarfjörður • Húsavík • Ísafjörður • Neskaupsstaður • Njarðvík • Ólafsfjörður • Selfoss • Siglufjörður • Skagaströnd
 Verð birt með fyrirvara um prentvillur • Tilboðin gilda 14. júní - 17. júní • *Á eingöngu við þar sem fersk kjötbörð eru á staðnum

Vilja koma að uppsetningu sparkvallar

Foreldrafélag Grunnskólans á Suðureyri hefur óskað eftir viðurðum við bæjaryfirvöld um aðkomu félagsins að sparkvelli á Suðureyri. Jafnframt óskar félagið eftir svörum um tímasetningu framkvæmda. Íþrótt- og tómstundanevnd fagnar því að foreldrafélagið vilji koma að uppbyggingu sparkvallar á Suðureyri. Þá kom fram á síðasta fundi nefndarinnar að hún hefur engin svör vegna tímasetningar á sparkvöllum eða forgangsröðun á framkvæmd þeirra. Þá leggur nefndin til að formaður íþrótt- og tómstundanevndar og íþrótt- og tómstundafulltrúi komi á fundi með foreldrafélaginu.

Ritstjórnargrein

Drögum fána Núps að húni á ný

Öld er liðin síðan unglingskóli var stofnaður að Núpi í Dýrafirði að frumkvæði hugsjónamannsins séra Sigtryggs Guðlaugssonar. Tveimur áratugum síðar varð skólinn héraðsskóli og var sem slíkur starfræktur fram til ársins 1992. En, „nú er hún Snorrabúð stekkur,“ eins og Jónas kvað og menntasetrið sem í áratugi var ein af leiðum þjóðar, sem um aldir hafði búið við fátækt og kyrrstöðu, til aukinnar menntunar og framfara, húkir nú umkomulaust og fáum til gagns í faðmi þess fagra umhverfis sem átti sinn þátt í að móta ungmenntin er þangað leituðu, mörg hver eilítið ráðvillt. Og nú er svo komið að eigandinn, íslenska ríkið, vill selja allt heila góssið: heimavistarhúsnæði, kennslustofur, mótuneyti, 7 íbúðir, sundlaug, íþróttahús og þessu fylgir allt innbúi, að undanskildum munum er tengjast sögu skólans. Að sögn hafa framsýnir menn gert tilboð í þetta allt saman sem nemur andvirði meðal blokkaríbúðar í Reykjavík. Meiri gat niðurlægingin vart orðið.

Sem við var að búast hefur sú fyrirætlan stjórnvalda að selja Núpskskóla farið fyrir brjóstið á öllum, sem enn vilja veg Vestfjarða sem mestan og trúa fastlega á framtíð byggðar á Vestfjörðum. Þeir vilja nýta Núpskskóla til annars og veigameira hlutverks en greiðasölu fyrir ferðamenn yfir sumartímann, þegar best lætur. Meðal hugmynda að nýtingu staðarins má nefna að Karl V. Matthíasson, þingmaður NV-kjördæmis, hefur lagt til að þar verði komið á fót meðferðarheimli fyrir ungt fólk í áfengis- og fíkniefnavanda; samþykkt bæjarstjórnar Ísafjarðarbæjar er á svipuðum nótum og í framhaldi af því hefur bæjarstjórnin óskað eftir því að söluverði verði frestað.

Og nú hefur enn ein hugmyndin um nýtingu hins forna skólaseturs skotið upp kollinum. Ungmennafélag Íslands mun hafa áhuga á að þar á fót lýðskóla með umhverfissniði, eins og það er kallað. Að sögn Inga Þórs Ágústssonar, svæðisfulltrúa UMFÍ á Ísafirði, yrði þetta gert í samstarfi við systursamtök Ungmennafélagsins í Danmörku og héraðs stjórnvöld. Ingi Þór segir að um yrði að ræða „nám á háskólastigi, nátengt íslensku umhverfi.“ Hann segir dönsku aðildarsamtökin öflug, þau reki átta lýðháskóla í Danmörku og hafi verið verið að leita eftir tækifæri til að færa út kvíarnar, bæði á Íslandi og í Noregi. Ingi Þór segir að Núpur sé eins og sérsniðinn fyrir skóla sem þennan: „Þarna er allt til alls, stórkostlegt og merkilegt umhverfi, húsnæði og ekki má gleyma Skróði.“ Og hann bætir við: „Ef áhugi er fyrir hugmyndinni væri jafnvel hægt að innrita fyrstu nemendur á næsta ári.“

Hver svo sem þeirra hugmynda sem hér hafa verið tíundaðar yrði fyrir valinu er eitt víst: Þær eru allar betri en greiðasalan. Drögum á ný að húni á Núpi fána mannræktar líkt og séra Sigtryggur gerði fyrir hundrað árum.

Sláum skjaldborg um Núp.

s.h.

Á þessum degi fyrir 27 árum

Hætta mörg frystihús rekstri um tíma?

Útlit er fyrir að mörg frystihús hætta rekstri um tíma í sumar og sendi starfsfólk sitt samtímis í sumarfrí. Þegar hefur verið tekin ákvörðun um slíkt í frystihúsi Hjálms hf. á Flateyri og samkvæmt upplýsingum Morgunblaðsins hyggjast fleiri forystumenn frystihúsa gera slíkt hið sama. Ef þessar aðgerðir nægja ekki neyðast menn til uppsagna, en eins og forstjóri eins frystihúss sagði í gær, þá verður það ekki gert fyrr en í lengstu lög. Í vikunni var hengd upp auglýsing í frystihúsinu á Flateyri, þar sem tilkynnt var um almennt sumarleyfi starfsfólks frá 14. júlí. Tekur sumarleyfi frá þessum degi til alls starfsfólks frystihússins, nema þess sem sérstaklega verður rætt við. Áfram verður tekið við afla handfærabáta og sá afli settur í skreið eða saltaður. Einnig verður unnið við viðhald og lagfæringar, þannig að yfir 30 manns munu starfa hjá fyrirtækinu þennan tíma.

Ráðningu frestað

Ákveðið hefur verið að fresta ráðningu forstöðumanns skóla- og fjölskylduskrifstofu Ísafjarðarbæjar. Gísli Halldór Halldórsson, forseti bæjarstjórnar, lagði fram tillögu þess efnis að fresta beri ráðningu forstöðumanns og að bæjarstjórn feli bæjarstjóra að kanna betur hæfniskröfur umsækjenda. Tillagan var samþykkt með öllum greiddum atkvæðum. Fræðslunefnd hafði mælt með að Margrét Geirsdóttir yrði ráðin og var hún ein ein boðuð í viðtal vegna starfsins. Halldór Halldórsson, bæjarstjóri, sagði málið ósköp einfalt, einungis Margrét uppfyllti þær kröfur sem gerðar voru.

Starf atvinnu- og ferðamála- málafulltrúa lagt niður

Lagt hefur verið til að staða atvinnu- og ferðamálafulltrúa Ísafjarðarbæjar verði lögð niður og í staðinn ráðinn upp- lýsingafulltrúi bæjarins. Þetta ersamkvæmtniðurstöðu nefndar um endurskoðun stjórn- skipulags Ísafjarðarbæjar og bæjarmálasamþykktar. Upp- lýsingafulltrúi Ísafjarðarbæjar

á að sjá um innri og ytri upp- lýsingaráðgjöf fyrir sveitarfé- lagið, þar með talið kynning- armál, umsjón með útgáfu kynningarefnis, yfirumsjón með heimasíðu, stefnumörk- un fyrir þjónustuver og stefnu- mótun varðandi markaðsset- ningu Ísafjarðarbæjar utan svæðisins.

Einnig skal hann hafa yfir- umsjón með viðburðastjórnun fyrir sveitarfélagið og mót- töku gesta. Önnur verkefni sem atvinnu- og ferðamála- fulltrúi hafði með höndum verði ýmist felld niður eða flutt til. Þannig tæki bæjarrit- ari yfir sem starfsmaður menn- ingarmálanefndar, þjónusta

við atvinnuálanefnd verði fyrst um sinn keypt af At- vinnuþróunarfélagi Vestfjarða, þar til annað verður ákveðið.

Bæjarráð lagði til við bæj- arstjórn að ráðið verði í stöðu upplýsingafulltrúa Ísafjarðar- bæjar á grundvelli þessara hugmynda.

– tinna@bb.is



Leiktæki hafa verið fjarlægð af gæsluvellinum við Túngötu.

Leiktæki fjarlægð af Eyrargöturóló

Leiktækin á gæsluvellinum við Túngötu 10 á Ísafirði, svokölluðum Eyrargöturóló, hafa verið tekin niður og fjarlægð. Hjá tæknideild Ísafjarðarbæjar fengust þær upplýsingar að leiktækin á vellinum hafi verið orðin léleg og ástand þeirra ekki ásættanlegt, jafnvel ólög- legt. Ekki er á fjárhagsáætlun

þessa árs hjá Ísafjarðarbæ að búa til nýjan leikvöll í efri bænum, en gert er ráð fyrir því að á næsta ári verði komið upp leiksvæði á svipuðum slóðum.

„Við ætlum að taka þetta niður núna og nota haustið til að teikna upp og skipuleggja svæðið,“ segir Jóhann Birgir

Helgason hjá tæknideildinni. Sem stendur er því leikvöllurinn við Skipagötu, Skipagötu- róló, eini leikvöllurinn á Ísa- firði. Til stendur að taka hann í gegn á næstunni, og verður gömlum leiktækjum skipt út fyrir ný.

Ekki er enn komið á hreint hvað verður um húsið sem

stendur á gæsluvellinum, en ákveðið var að selja það í fyrra. Þá búrúst fjögur tilboð í eignina, það hæsta frá Frið- gerði Guðmundsdóttur. Síðan hefur kauptilboðið gengið til baka og verður húsið líklega auglýst aftur til sölu, og sem fyrr með því skilyrði að það verði fjarlægð af lóðinni.

Útgefandi: H-prent ehf., kt. 600690-1169, Sólgötu 9, 400 Ísafjörður, sími 456 4560, fax 456 4564

Ritstjóri: Sigurjón J. Sigurðsson, sími 892 5362, bb@bb.is · Blaðamenn: Thelma Hjaltadóttir, símar 456 4693 og 849 8699, thelma@bb.is – Tinna Ólafsdóttir, sími 868 5963, tinna@bb.is – Smári Karlsson, sími 866 7604, smari@bb.is · Ritstjóri netútgáfu bb.is: Sigurjón J. Sigurðsson · Ljósmyndari: Halldór Sveinbjörnsson, sími 894 6125, halldor@bb.is · Ábyrgðarmenn: Sigurjón J. Sigurðsson og Halldór Sveinbjörnsson · Lausasöluverð er kr. 300 eintakið með vsk. Veittur er afsláttur til elli- og örorkulífeyrisþega. Einnig sé greitt með greiðslukorti. · Önnur útgáfa: Ferðablaðið Á ferð um Vestfirði. · ISSN 1670 - 021X

Bónus GRILL kjúklingabitar: BBQ kjúklingaleggir, BBQ kjúklingalæri, TEX MEX kjúklingavængir

40% afsláttur

TEX MEX vængir
Kilóverð nú:

168 KR.

Merkt verð 280 KR.

30% afsláttur

BBQ leggir/læri
Kilóverð nú:

368 KR.

Merkt verð 525 KR.

Komdu í Bónus!

Kaupu þér poka með 10 Gæðakleinum og þú færð annan í kaupbætil

BÓNUSFETI

198 KR.

250g

Bónusfeti framleiddur af Mjólkunni - Finndu bragðið!

98 KR.

350g

KF SALAT

129 KR.

770g

Millu heimilisbrauð

TUTTUGU FYRIR TIU!

25% afsláttur

Frosið lambafille
Kilóverð nú:

2249 KR.

Merkt verð 2998 KR.

EKKERT BRUÐ!

2698 KR.

Merkt verð 2998 KR.

FROSNAU UNGNAUTALUNDIR
KILOVERÐ NÚ:

NÝSJTÁLENSKAR FROSNAU UNGNAUTALUNDIR
Allt að 40% lægra verð en á íslenskum nautalundum

40% afsláttur

Einiberjalæri
Kilóverð nú:

1069 KR.

Merkt verð 1781 KR.

Einiberja lambalæri

LANG vinsælasta lambakjötið í Bónus!

1126 KR.

Merkt verð 1846 KR.

Hangiframpartur úrb.
Kilóverð nú:

49 KR.

PEPSI MAX/APPELSÍN

500 ml

APPELSÍN LIMONADI

Þetta eina samna

ALINNUR BRAGD
SINN SYHUR

www.bonus.is

Súlur í hópum í Ísafjarðardjúpi

Súlur hafa sést víða um Ísafjarðardjúpi og í Breiðafirði undanfarið og hafa tilkynningar um það hrannast upp hjá Náttúrustofu Vestfjarða. Súlnar hafa jafnvel sést í stórum hópum, en óvenjulegt er að þessi drottning Atlantshafsins láti sjá sig hér vestra, hvað þá í tugatali. Í viðtali við Morgunblaðið sagði Böðvar Þórisson, á Náttúrustofu Vestfjarða, sjómenn hafa sagt sér að mikið sé af súlum í kringum bátana. Sjómennirnir þekki miðin vel og hafi sumir tekið fram að þeir hafi aldrei áður séð súlu á þessum slóðum en aðrir hafa sagt að hún hafi ekki sést áður í svo miklum mæli. Súlnar hafi m.a. sést í Skutulsfirði þar sem þær hafi stungið sér eftir æti, þ.e. tekið svokallað súlukast en þá stinga þær sér úr allt að 40 metra hæð ofan í sjóinn til að klófesta bráð. Böðvar sagði enga skýringu fundna á þessu ferðalagi súlnunnar en væntanlega sé hún að elta eitthvert æti. Um 60% af íslenska súlustofninum verpir í Eldey.



Guðbjört Lóa látin

Látin er Guðbjört Lóa Sæmundardóttir, tvítug stúlka frá Læk Dýrafirði, sem barist hefur við krabbamein í um fjögur ár.

Fjölmargir hafa fylgst með hetjulegri baráttu Guðbjartar Lóa á blogg-síðu hennar og er óhætt að segja að skrif hennar hafi verið mörgum innblástur þar sem þau ein-kennust ætíð af jákvæðni þrátt fyrir alvarleg veikindi hennar. Þar var birt eftirfarandi tilkynning:

„Hún Guðbjört Lóa, Blómarósinn okkar lést síðdegis í gær, 4. júní, í rúmi sínu hér á Lindargötunni um klukkan 16.

Við þökkum öllum innilega fyrir þann stuðning sem þið hafið veitt okkur með ýmsu móti. Sá stuðningur gaf Lóa mikið og styrkti okkur öll í þessari erfiðu baráttu.“

Guðbjört Lóa var jarðsöngin frá Fossvogskirkju í Reykjavík á mánudag.



Fyrstu þrjár bátarnir komnir á nýjan stað.

Ný uppsátur Ísafjarðarhafnar

Skipulagsbreytingar standa yfir hjá Ísafjarðarhöfn og hafa uppsátur hafnarinnar verið færð. Verið er að færa til báta sem standa uppi á hafnarvæðinu með það fyrir augum að snyrtilegari verði á höfninni. Guðmundur M. Kristjánsson hafnarstjóri segir að núverandi staðsetning uppsátranna, við suðurenda Sundahafnarinnar, verði til frambúðar. Hann segir að verið sé að reyna að koma í veg fyrir að bátar og gámar safnist upp óskipulega og segir það valda því að oft safnist upp rusl og drasl í kringum þá. Höfnin ætlar að hafa skipulag á uppsátrum hér eftir.

Dæmd fyrir líkamsárásir og skemmdarverk

Héraðsdómur Vestfjarða hefur sakfelld konu fyrir tvær minniháttar líkamsárásir og eignaspjöll. Atburðirnir sem konan var ákærð fyrir áttu sér allir stað í félagsheimilinu í Hnífsdal aðfaranótt fimmtudagsins 13. apríl 2006.

Ákærðu var gefið að sök að hafa ráðist á konu sem stödd var á salerni félagsheimilisins,

slegið hana með kreppum hnefa í andlit og sparkað í hana þar sem hún lá á gólfinu, með þeim afleiðingum að hún hlaut glóðarauga á hægri auga og marbletti á báða upphandlegg.

Seinni líkamsárásin var með þeim hætti að ákærða beit konu í löngutöng og baugfingur vinstri handar þannig

áð konan hlaut sár af. Ákærðu var að lokum gefið að sök að hafa rífið upp hurð á kvennasalerni félagsheimilisins, með þeim afleiðingum að hún losnaði af hjörunum, og sparkað í klósett staðarins með þeim afleiðingum að það brotnaði.

Ákærða neitaði sök að fyrri líkamsárásinni, en framburður vitna, sem staðfesti að líkams-

árásin hafi átt sér stað, var talinn trúarlegur, auk þess sem fyrir lá vottorð læknis um áverka brotaþola. Ákærða játaði seinni líkamsárásina, en afleiðingar hennar voru taldar afar smávægilegar. Þá játaði hún að hafa rífið upp salernishurðina.

Ákærða var dæmd til að sæta fangelsi í 30 daga, en

fresta skal fullnustu refsingarnar og hún falla niður að liðnum tveimur árum frá uppsögu dómsins, haldi ákærða almennt skilorð.

Þá var ákærða dæmd til að greiða allan sakarkostnað og 48.900 krónur, auk dráttarvaxta, fyrir viðgerð á skemmdum í félagsheimilinu.

– tinna@bb.is

STAKKUR SKRIFAR

Stakkur hefur ritað vikulega pistla í **Bæjarins besta** í mörg ár. Skoðanir hans á mönnum og málefnum hafa oft verið umdeildar og vakið umræður. Þær þurfa alls ekki að fara saman við skoðanir útgefenda blaðsins. Þrátt fyrir það bera ábyrgðarmenn blaðsins ábyrgð á skrifum **Stakks** á meðan hann notar dulnefni sitt.

Oddatá og atvinnuvandi

Nú kætast menn yfir framtaki Kristjáns Erlingssonar, sem ætlar að kaupa eignir Kambs og halda áfram fiskvinnslu á Flateyri. Bæjarstjórnin í Ísafjarðarbæ, Halldór Halldórsson fagnar í fjölmiðlum. Kristjáni er óskað alls hins besta. Ekki er árennilegt að taka við atvinnufyrirtæki á Vestfjörðum nú. Hver sem niðurstaðan verður þegar kvóti verður ákveðinn er ljóst að niðurskurður verður. Þar með aukast erfiðleikar fyrirtækja í sjávarútvegi enn. Hitt er gleðiefni að fólk fær áfram vinnu í fiski.

En eitt gleymist í umræðunni. Atvinnuvandi á Vestfjörðum er ekki skilgreindur. Rannsaka þarf miklu frekar hvað ræður búsetu fólks á Vestfjörðum og áður hefur verið bent á það á þessum vettvangi að spyrja alla þá sem flytja frá Vestfjörðum á kerfisbundin hátt hvers vegna þeir séu að flytja brott. Það er eðlilegt að fólk flytji sig milli staða á Íslandi og að það flytji úr landi. En afar gagnlegt væri að fá rannsókn um ástæður sem að baki búa.

Löngu er vitað um takmarkaðan áhuga Íslendinga sjálfra til að vinna í fiski. Lengi var stuðst við farandverkafólk af íslensku bergi brotið, síðan útlendinga sem komu hér til þess að vinna svo þeir gætu sinnt ævintýraþörf sinni og ferðast um heiminn. Síðustu ár hafa bæst í hópinn þeir sem setjast að á Íslandi og þjóna samfélaginu með vinnuframlagi sínu. Íslendingar með rætur sækja í önnur og betur launuð störf og er þar vafalaust að finna ástæðu

þess hve margir flytja til þéttbýlisins á suðvesturhorni landsins. Umræðan á Vestfjörðum og vilji til þess að koma upp háskólanámi bendir ótvírætt til þess að margir hugsi til annars konar atvinnu en þeirrar sem lengst af hefur verið tengd sjónum og Vestfjörðum, sjósókn og fiskvinnslu. Að sumu leyti er mikill söknuður að því að þessar atvinnugreinar eigi undir högg að sækja. Fyrst og fremst verða heimamenn á Vestfjörðum að skoða heildarmyndina, búsetu, menntun, atvinnu og síðast en ekki síst væntingar fólks til búsetu á Vestfjörðum.

Það vekur grunsemdir um að stjórnmalamenn telji sig vera að losna við vandann þegar Kristján Erlingsson ræðst í það þrekvirki við erfiðar aðstæður að færa fram hinn sögulega arf sjósóknar og fiskvinnslu. Frumkvæði Kristjáns, sem reyndar er náfrændi Einars Odds Kristjánssonar, sem lengi hefur átt sess í nútímasögu Flateyrar, er lofsvert. En þar með er ekki sagt að lausn á vanda Flateyrar sé fundin, hvað þá Vestfirðinga. Sú lausn er heldur ekki fölginn í flutningi 20 starfa í opinbera geiranum til Vestfjarða. Miklu meira þarf til að koma. Því er skorad á stjórnmalamenn að skoða málefni Vestfjarða og Vestfirðinga í grunninn og hugsa til framtíðar. Allt annað er að pissa í skóinn sinn. Það vermir, en aðeins skamma stund og svo verður manni kaldara á eftir.

Vill láta loka gámasvæðum Ísafjarðarbæjar

Framkvæmdastjóri Gámaþjónustu Vestfjarða vill láta loka gámasvæðum í Ísafjarðarbæ þar sem flokkun sorps er mjög ábótavant. Sorpið sem sett er í gáma á gámasvæðum Ísafjarðarbæjar, er urðað á ruslahaugnum við Klofning í Öndarfirði. Undanfarnir ár hefur ruslið úr haugnum dreift um svæðið, íbúum Flateyrar til mikilla ama. Gámaþjónustan hefur umsjón með svæðinu og segir Ragnar Ágúst Kristinsson, framkvæmdastjóri Gámaþjónustunnar, að þar sem fólk virðist flokka sorp sitt illa telji hann nauðsynlegt að haft sé eftirlit með flokkuninni og það þurfi hreinlega að loka opnum gámasvæðum ef ekki verði verulegar umbætur á flokkun sorps. Ábyrgðin liggir því hjá íbúum Ísafjarðarbæjar.



Ánægður með áframhaldandi fiskvinnslu á Flateyri


Bæjarstjórinn á Ísafirði segist hæstánægður með nýja fyrirtækið, Oddatá sem keypt hefur allar fasteignir Kambs á Flateyri og hyggst hefja þar fiskvinnslu. Hann segir mikilvægt að menn leiti nýrra leiða til að viðhalda atvinnulífinu í litlum byggðarlögum og Ísafjarðarbær muni veita þeim allan þann stuðning sem til þurfi. Eignarhaldsfélagið Oddatá

ehf., sem er í eigu Atlantsíss ehf á vegum Kristjáns Erlingssonar og fjölskyldu, tilkynnti í síðustu viku að það hefði keypt fasteignir fiskvinnlunnar Kambs á Flateyri og hyggst halda þar fiskvinnslu áfram. 120 starfsmönnum var sagt upp fyrir skömmu þegar Kambur lagði niður vinnsluna. Um 70 manns störfuðu við fiskverkun á Flateyri og

búist er við að einhver hluti þeirra starfi áfram hjá Oddatá. Fyrirtækið á engan kvóta en forstjóri Oddatáar Kristján Erlingsson segir að fiskur til vinnslu verði að mestu keyptur af fiskmörkuðum og afbátum á Flateyri. Halldór Halldórsson bæjarstjóri Ísafjarðarbæjar segist ánægður með að menn leiti nýrra tækifæra til að viðhalda atvinnulífinu í

byggðarlaginu. Hann segir að Ísafjarðarbær veiti fyrirtækinu stuðning ef til þess kæmi. Kristján Erlingsson forstjóri Oddatáar segist einungis vera með eigið fjármagn í fyrirtækinu. Hann er 45 ára og fæddur og uppalinn á Flateyri. Hann var fjármálastjóri hjá fiskvinnslufyrirtækinu Hjálmi árin 1991-1993 og framkvæmdastjóri hjá kúfiskvinnslunni,

Vestfirskum Skelfiski árin 1993-1996. Hann hefur verið búsettur í Úganda frá 1997 og á í dag eitt stærsta flugfragt-fyrirtæki, Icemark Africa Ltd í Úganda sem er jafnramt stærsti útflytjandi á fersku grænmeti til Evrópu. Búist er við að Oddatá taki við eignum Kambs í byrjun september og fullfiskvinnsla hefjist um það leyti. Frá þessu var greint á visir.is.



Halldór Halldórsson, bæjarstjóri Ísafjarðarbæjar.

„Markmiðið er að viðhalda atvinnu á þessari fallegu eyri“

Kristján Erlingsson, forsvarsmaður Oddatáar sem keypt hefur allar fasteignir og tæki Kambs á Flateyri segir að aðalmarkmiðið með kaup-

unum sé að tryggja atvinnu á Flateyri. Hann segir mikla óvissu enn vera ríkjandi í málinu en er bjartsýnn á dæmið gangi upp. Kristján segir það

ráðast á næstu vikum hvort allir fyrrum starfsmenn Kambs fái vinni í nýja fyrirtækinu. Kristján er Flateyringur og það er helsta ástæða þess að

hann ákvað að fara út í þetta ævintýri. „Markmiðið er einfaldlega að viðhalda atvinnu á þessari fallegu eyri,“ sagði Kristján í

samtali við visir.is. Hann segist bjartsýnn á að vel takist til. „Maður verður alltaf að vera bjartsýnn en auðvitað er mikil óvissa enn fyrir hendi.“ Hann sagði Oddatá hafa það að markmiði að eyða óvissu hjá þeim íbúum Flateyrar sem þar hafa fest rætur, eiga þar fasteignir og fjölskyldu. Hann segir að hjá Kambi hafi starfað gríðarlega gott starfsfólk með mikla reyn-

slu og að allur tækjastur sé fyrsta flokks. „Við höfum gríðarlega afkastagetu og nú þurfum við einfaldlega að fá fólk í lið með okkur.“

Aðspurður hvort hægt sé að reka fyrirtæki á Flateyri við núverandi aðstæður sagði hann vona það. „Hér hefur verið stöðug vinnsla í áraraðir þrátt fyrir ýmis áföll og ég held að það sé hægt að halda hér áfram. En það mun taka á.“

Skýrsla Hafró vonbrigði

„Bæjarráð Bolungarvíkur lýsir yfir miklum vonbrigðum með nýttkomna skýrslu Hafrannsóknastofnunar um ástand nytjastofna á Íslandsmiðum. Þar koma m.a. fram tillögur um störfelllan niðurskurð á leyfiflegum hámarksafla í þorski á næsta fiskveiðarári. Nái tillögur stofnunarinnar fram að ganga þýðir það að aflaheimildir Vestfirðinga af slægðum þorski skerðast um 6.000 tonn og um 1.200 tonn

se aðeins horft til Bolungarvíkur. Á ársgrundvelli má ætla að útflutningsverðmæti frá Bolungarvík dragist af þessum völdum saman um 300 milljónir króna,“ segir í ályktunum bæjarráðs Bolungarvíkur sem samþykkt var fyrir stuttu. Þar segir einnig: „Ljóst er að þessar tillögur Hafrannsóknastofnunar munu hafa gríðarleg áhrif nái þær fram að ganga að hluta til eða öllu leyti. Tillögurnar eru til þess

fallnar að auka enn á samþjöppun sjávarútvegi þar sem stærri fyrirtæki kaupa upp þau minni. Atburðir síðustu vikna sýna að slík viðskipti geta auðveldlega kipt stöðunum undan tilvist sjávarþorpa á landsbyggðinni. Þegar lagt var upp með aflamarkskerfið árið 1983 var markmiðið að stækka þorskstofninn og styrkja byggðir í landinu. Það hefur algjörlega brugðist.“

Bolungarvíkur segir að skýrsla Hafró vekji upp margar spurningar. „Það má spyrja sig hvort það eigi að skera jafnt niður hjá öllum? Hafa botnvörpuveiðar og línuveiðar sömu áhrif á lífríkið? Það er mín skoðun að það þurfi að fara rækilega yfir þetta og skoða frá öllum hliðum. Við stöndum frammi fyrir því að við skerum og skerum niður og þorskurinn verður sífellt ræfilslegri.“ – smari@bb.is

Einar Valur Kristjánsson, framkvæmdastjóri HG

Þjuggumst við niðurskurði

Einar Valur Kristjánsson, framkvæmdastjóri Hraðfrystihússins – Gunnvarar, segir að skýrsla Hafrannsóknastofnunar um ástand nytjastofnanna sé vissulega mikil vonbrigði en segir að menn hafi vitað það í einhverja mánuði að þorskkvótinn yrði skorinn niður og hafi í raun verið var-

aðir við því. Vonbrigðin snúist fyrst og fremst um hversu mikið á að skera hann niður. Tillaga Hafró gerir ráð fyrir þriðjungs niðurskurði í þorskkvóta. Einar Valur segir að þeim hafi borist skýrslan í síðustu viku og séu stjórnendur HG að lesa hana og meta stöðuna.

Þorskur er mikilvægasta afurð HG og segir Einar að niðurskurður þorskkvóta hafi mikil áhrif á fyrirtækið. „Nú liggjum við undir feld en ég tel að stórvörð í garð skýrslunnar og Hafró skili okkur engu. Reiknilikön Hafró virka en það er spurning með forsendurnar.“ – smari@bb.is



Starfsfólk

Starfsfólk vantar í vinnubúð ÁTVR á Ísafirði í sumar. Um er að ræða fullt starf út ágúst mánuð við afgreiðslu- og lagerstörf. Vinnutími er frá kl. 10:00-18:30 mánudaga til fimmtudaga og kl. 10:00-19:30 föstudaga og að jafnaði er unnið annan hvern laugardag frá kl. 10:30-14:30.

Umsækjendur skulu vera a.m.k. 20 ára og hafa góða almenna menntun. Við leitum að fólki með mikla þjónustulund, gott viðmót og góða framkomu. Reynsla af afgreiðslustörfum er æskileg. Kunnátta í erlendu tungumáli er kostur.

Laun eru skv. kjarasamningum SFR og ríkisins. Sakarvottorð er krafist áður en starf hefst.

Nánari upplýsingar veitir verslunarstjóri.

Vinnubúðin, Aðalstræti 20, Ísafirði, sími 456 3455, netf: isafjordur@vinbud.is

„Ógnanir skólans eru þær sömu og ógnanir samfélagsins en það er fólksfækkunin. Það er alls samfélagsins að glíma við það vandamál. Ég held að það sé þeim mun mikilvægara að skólinn fái stuðning til að bjóða upp á fjölbreytt nám þegar kreppir að samfélaginu í heild. Skólinn er mjög mikilvægur þessu svæði hér.“



Skólinn er samfélaginu mikilvægur

Ingibjörg S. Guðmundsdóttir hefur stýrt Menntaskólanum á Ísafirði undanfarinn vetur og segist hafa unað sér vel í faðmi fjalla blárra þótt skamdegðið hafi reynst henni erfitt. Ingibjörg snýr nú aftur til Kvennaskólans í Reykjavík þar sem hún hefur verið skólameistari frá árinu 1998. Hún hóf kennslustörf við Kvennaskólann haustið 1973, og var yfirkennari frá janúar 1985-1987 og aðstoðarskólameistari 1987-1997. Ingibjörg er stærðfræði- og raungreinakennari að mennt og var um skeið formaður Félags íslenskra framhaldsskóla. Er Ingibjörg tók við stjórntaumunum í MÍ var hann í sárum eftir ósætti og leiðindi innan skólans sem hafði haft í för með sér mikið fjölmiðlafár. Það var því ærið verk fyrir höndum þegar skólinn var settur þann 23. ágúst sl. en þá hófu 315 nemendur nám og þar af 71 nýnemi. Í desember voru svo útskrifaðir 26 nemendur og á vorönn hófu 297 nemendur nám og til prófs gengu 292. Þá störfuðu í vetur alls 30 kennarar við skólann og átta aðrir starfsmenn auk skólameistara og aðstoðarskólameistara. Við starfi skólameistara MÍ tekur nú Jón Reynir Sigurvínsson, aðstoðarskólameistari, en hefur hann starfað við skólann frá árinu 1987, sem framhaldsskólakennari og síðar aðstoðarskólameistari. Bæjarins besta kíkta í heimsókn til Ingibjargar í lok skólaársins og spjallaði við hana um liðið ár og skólastarfið. Á móti blaðamanni tók brosmild og hlýleg kona og það var ekki langt liðið á samtalið þegar ljóst var að henni er annt um skólann sem hún hefur stýrt undanfarinn vetur.

Skólinn í öruggum höndum

– Nú er skólaárið á enda, hvernig var að vera skólameistari í Menntaskólanum á Ísafirði í eitt ár?

„Mér hefur fundist mjög gaman að vera hérna og kynnst starfinu í þessum skóla, en MÍ er öðruvísi skóli en sá sem ég hef stýrt áður. Hér er fjölbreytt nám og þetta hefur verið virkilega áhugavert.“

– Er mikill munur á Kvennaskólanum og Menntaskólanum á Ísafirði?

„Það er töluverður munur. Kvennaskólinn í Reykjavík er eingöngu bóknámsskóli til stúdentsprófs en MÍ er fjölbrautaskóli þar sem í boði er bóknám, verknám og starfsnám. Menntaskólinn þjónar öllum á þessu svæði en Kvennaskólinn velur inn nemendur og er einhæfur miðað við MÍ. Það var mjög gaman að kynnst þessum mun. Annað sem ég tók strax eftir við komu mína hingað er að samfélagið styður svo vel við þennan skóla og hefur mikinn áhuga á því sem fer hérna fram. Og þá sérstaklega verknámið, það

virðist skipta samfélagið miklu máli að það sé í boði hér og fyrirtæki sýna það í verki. Mér hefur stundum fundist þegar ég er að stýra mínum skóla í Reykjavík að samfélaginu þar sé nokkuð sama hvort hann sé til eða ekki, því þar eru svo margir skólar og ef einstaklingur kemst ekki í einn skóla leitar hann bara í næsta. Hér er ekki um slíkt að ræða.“

– Þú skilur við starfið í höndum Jón Reynis Sigurvínssonar, hvernig list þér á það?

„Mér list mjög vel á það. Hann er fullfær í þetta starf að mínu mati og ég er sannfærð um að skólinn verður í góðum höndum. Hann hefur líka öflugar konur sér við hlið sem aðstoðarskólameistara og áfangastjóra, þær Hildi Halldórsdóttur og Friðgerði Ómarsdóttir.“

Sólrísuhátíðin til eftirbreytni

– Félagslíf menntskælinga hefur oft á tíðum verið í umræðunni, og þá sérstaklega dansleikjahald og óvissuferðir, hvernig finnst þér það vera?

„Mér finnst félagslífið að

mörgu leyti mjög gott. Sérstaklega Sólrísuhátíðin, en ég tel að það sé til eftirbreytni fyrir aðra skóla að nemendur standi fyrir menningarviku sem bæjarfélagið tekur þátt í. Aðsóknin að leikriti hátíðarinnar nær langt út fyrir skólann og ýmsar uppákomur í þessari viku eru sóttar af foreldrum nemenda og öðrum í bæjarfélaginu. Á Reykjavíkursvæðinu er félagslífið meira einskorðað við skólana en samfélagið tekur ekki þátt eins og tíðkast hér.

Ég tók upp reglur um dansleikjahald sem viðhafðar eru á höfuðborgarsvæðinu. Dansleikir á vegum skólans eru fyrir nemendur hans og þeirra gesti, þannig að það getur ekki hver Pétur og Páll utan úr bæ sótt þá. Þetta hefur gefist vel, en tilgangurinn var að stemma stigu við því að óviðkomandi sæki böllin. Nemendur hafa tekið þessu mjög vel og í rauninni unnið vel með okkur. Mér hefur samt fundist klúbbastarf og ýmislegt þess háttar ekki vera nógu blómlegt í MÍ. Ég held að það væri hægt að gera mikið meira úr félagslífi jafnt og þétt yfir veturinn. Kannski að Sólrísan sé of þökkuð, að

minnsta kosti upplifði ég það að komast ekki á alla viðburði sem mig langaði til því ég hafði ekki tíma. Að mínu mati væri betra að dreifa félagslífinu meira yfir allan veturinn og hafa Sólrísuvikuna aðeins rólegri.

Almennt séð er félagslífið frekar gott en þó kom það mér á óvart hversu dansleikir eru illa sóttir, en einungis um helmingur nemenda mætir. Eldri nemendur virðast flýta sér að verða fullorðnir og koma sér í einhverja aðra hópa en innan skólans. Ég verð meira vör við þetta hér en í Reykjavík.“

Öflugt verknám í MÍ

– Nú hefur það vakið athygli hversu öflugar verknámsbrautirnar eru í skólanum en meðal annars var Menntaskólinn á Ísafirði stigahæsti skólinn í trésmíðum á Íslandsmóti iðnnema sem fram fór í Reykjavík í mars, auk þess sem nemi frá MÍ bar sig úr bítum í flokknum.

„Já, sem er mjög ánægjulegt því það hefur verið í umræðunni undanfarandi í þjóðfélaginu að allir vilji fara í bóknám og að það njóti meiri virðingar

„Mér er mjög eftirminnilegt þegar Rán Höskuldsdóttir, kennari við MÍ, kom inn á skrifstofu til mín daginn sem sólarcaffið var haldið og bað mig um að koma með sér. Hún leiddi mig að glugga þar sem við sjáum sólina kíkja yfir fjallsbrúnina í Engidalnum. Mér fannst þetta alveg magnað eftir alla myrku dagana. Þá upplifði ég þessa gleði yfir sólinni og hef eiginlega verið glöð síðan.“

en verknámið. En ég verð ekki vör við þetta viðhorf hér. Mér finnst verknámið vera algjörlega jafngilt bóknáminu bæði í samfélaginu og meðal nemenda. Þau eru jafningjar og kennararnir líka. Mér finnst það vera til fyrirmyndar. Ég tel að verknámið hér sé sterkt enda eru hér mjög góðir kennarar. Kennararnir koma úr atvinnulífnum og vita því út á hvað það gengur. Margir hverjir hafa verið einyrkjar og því þurft að vinna við allt mögulegt en slíkir kennarar eru mjög fjölbærir og geta kennt nemendum á svo víðu sviði. Verknámið hér á eftir að eflast enn frekar.“

Þykir vænt um Ísafjörð

– Hvernig líst þér á Ísafjörð?
„Mér líst vel á Ísafjörð. Ég hafði að visu komið hingað tvisvar sinnum áður en hafði litla reynslu af Ísafirði. Ég verð að viðurkenna að mér leið ekkert alltof vel í skammdeginu og fannst fjöllin færast nær í myrkrunu og þegar maður er ekki vanur þeim geta þau verið yfirþyrmandi. Mér finnst mjög fallegt hérna og lognið sem er oftast hér er yndislegt. Mér er farið að þykja vænt um þennan stað. Mér hefur liðið alveg sérstaklega vel hér seinni part vetrar. Ég á alveg ábyggilega eftir að koma oft í heimsókn því mér finnst Ísafjörður heillandi staður.“

Ég er sjálf úr Dölunum og er því sveitastelpa en hef búið lengst af í Reykjavík, það eru að nálgast fjörutíu ár sem ég hef verið borgarbúi. Það var því kærkomin tilbreyting að koma til Ísafjarðar. Það rifjast upp fyrir manni að úti á landi heyrir maður í vorinu og upplifir það mikið sterkara en í borginni, það hefur því verið yndislegt að vera hér í vor.“

– Saknaðir þú ekkert Kvinnaskólans?

„Nei ekki get ég sagt að ég hafi gert það, ég hef verið hér af heilum hug og það hefur verið gaman. Ég hlakka auðvitað til að fara aftur í Kvinnaskólann og það er góð tilfinningin að vita að hann er á sínum stað og bíður mín.“

Allir tilbúnir að horfa fram á veginn

– Nú komst þú inn sem skólameistari MÍ eftir fremur órólega tíma í skólanum, varstu vör við upplausn í skólanum eða fannst þér hann vera í sárnum?

„Nei ég fann lítið fyrir því, hins vegar fann ég að það voru allir af vilja gerðir að horfa

fram á veginn og láta skólastarfið ganga vel. Mér fannst allir taka mér mjög vel og vera tilbúnir að vinna sig út úr málunum. Auðvitað voru einhver sár en ég einsetti mér að horfa bara fram á veginn en ekki til baka og vona að mér hafi tekist það.“

– Nú að skólaári loknu finnst þér sárin vera farin að gróa og skólastarfið vera komið í fastar skorður?

„Já, já nokkurn veginn. Það er nú bara þannig að á svona stórum vinnustað og þar sem fólk er mismunandi hafa allir sína kosti og galla. Ég hef sem stjórnandi alltaf kosið að horfa á kosti fólks og vinna með þá. Ef fólk ræktar kosti sína er mun auðveldara að umbæra gallana. Ég hef talað við alla starfsmenn skólans og farið yfir kosti þeirra og minnt þau á að rækta þá. Það er ágætt að vita af göllunum sínum og vinna með þá en fólk ætti alltaf að horfa meira á kostina.“

Gleðin yfir sólinni

– Hvað er eftirminnilegast frá dvöl þinni á Ísafirði?

„Það tengist náttúrunni. Mér er mjög eftirminnilegt þegar Rán Höskuldsdóttir, kennari við MÍ, kom inn á skrifstofu til mín daginn sem sólarcaffið var haldið og bað mig um að koma með sér. Hún leiddi mig að glugga þar sem við sjáum sólina kíkja yfir fjallsbrúnina í Engidalnum. Mér fannst þetta alveg magnað eftir alla myrku dagana. Þá upplifði ég þessa gleði yfir sólinni og hef eiginlega verið glöð síðan.“

Svo hefur mér bara liðið mjög vel og hef haft ánægju af þessu starfi. Það er náttúrulega það sem skiptir mestu máli og mun eflaust verða eftirminnilegt.“

Ógnanir skólans eru þær sömu og samfélagsins

– Þú hefur greinilega kynnst Menntaskólanum vel á þessu ári, hvernig leggst framtíð skólans í þig?

„Mér líst vel á hana. Náms-efnið er svo fjölbreytt og verið er að leita leiða við að útvíkka það enn frekar. Til dæmis á að fara lengra í verknáminu og má þar nefna að við ætlum að halda áfram í stálsmiðinni til sveinspróf. Svo ætlum við að stofna braut fyrir snyrtigreinar, sem er eitthvað fyrir þær stelpur sem langar í verknám og vilja ekki fara í það sem er nú svolitíð karllægt eins og húsa- og stálsmiðin.“

Ógnanir skólans eru þær sömu og ógnanir samfélagsins en það er fólksfækkunin. Það



er alls samfélagsins að glíma við það vandamál. Ég held að það sé þeim mun mikilvægara að skólinn fái stuðning til að bjóða upp á fjölbreytt nám þegar kreppir að samfélaginu í heild. Skólinn er mjög mikilvægur þessu svæði hér.“

Fyrstu skrefin í dreifnáminu

– Sú nýjung var tekin upp við Menntaskólann á Ísafirði í vetur að í stað P-áfangar og öldungadeildarnáms var boðið upp á svonefnt dreifnám sem er blanda af staðbundnu námi og fjarnámi í gegnum tölvuskjáinn. Hvernig gekk það?

„Dreifnámið fór í gang eftir

áramótin og það kom okkur á óvart hversu mikill áhugi var á því. Þarna voru fyrstu skrefin tekin og ýmislegt sem við erum að endurmeta núna og þarf að laga. Við ætlum því að koma á fót verkefnisstjórn í dreifnámi til að halda betur utan um nemendurna sem í því eru þar sem nokkuð var um að þeir dyttu út. Það virðist vera þörf á slíku námi hér því það eru ekki allir sem geta setið á skólabekk en vilja læra eitthvað t.d. klára stúdentsprófið. Dreifnámsnemendur læra vel á þetta námsform. Þau geta síðar farið í háskólánám í dreifnámi því þau kunna á það. Ég tel það því vera þetta og kenna nemendum að

nýta sér tölvutæknina og þessi námsumsjónarkerfi sem bæði framhaldsskólar og háskólar eru með á netinu.“

– Þannig að þetta er komið til þess að vera?

„Já ég held að það sé öruggt.“

– Ég get ekki sleppt þér án þess að spyrja í bridge spilamennsku þína þar sem ég hef heyrt að þú hafir verið mjög virk í bridgeklúbbinum á Ísafirði. Var þetta í fyrsta sinn sem þú spilar bridge?

„Ég hef verið í bridgeklúbbi með fjórum viðkonum mínum í 20 ár en aldrei spilað nema í heimahúsum.“

Guðni Ásmundsson umsjónarmaður MÍ var svo elskulegur að bjóða mér að vera

makker sinn í vetur og við höfum spilað með bridgeklúbbnum hér.

Kjördæmamótíð sem haldið var hér um daginn var svo fyrsta stóra keppnin sem ég spila í og hafði ég mjög gaman af því. Guðni er mjög góður bridgespilari og hef ég lært mikið af honum í vetur. Ég kem til með að sakna spilamennskunnar okkar.“

– Eitthvað að lokum?

„Ég vil þakka fyrir að hafa fengið að vera hérna í vetur og þakka nemendum og öllu starfsfólkinu fyrir samveruna og samstarfið. Þetta er búið að vera mjög skemmtilegt“, segir Ingibjörg Guðmundsdóttir fráfarandi skólameistari skólans. – *thelma@bb.is*

HG kaupir húsnæði Ágúst og Flosa

Hraðfrystihúsið – Gunnvör Hf. í Hnífsdal hefur keypt fasteignir Þrotabús Ágúst og Flosa ehf. við Árnagötu á Ísafirði. HG kaupir húsnæði sem hýsti trésmíðaverkstæði fyrirtækisins og innifalið í kaupunum eru trésmíðavélar sem þar eru, en þær hafa verið seldar nú þegar. Að sögn Einars Vals Kristjánssona, framkvæmdastjóra HG, er meiningin að húsið nýtist sem geymsla fyrir fyrirtækið við hlíð verkstæðisins á HG tveggja hæða timburskemmu. Ágúst og Flosi ehf. varð gjaldþrota í vetur og segir Sigmundur Guðmundsson, skiptastjóri þrotabúsins, að lyktir málsins séu í nánd, einungis eigi eftir að greiða út launakröfum.



Stjórnásluhúsið á Ísafirði.

Ísafjarðarbær kærður

Pétur Björnsson, umsækjandi um stöðu forstöðumanns Skóla- og fjölskylduskrifstofu Ísafjarðarbæjar, hefur kært sveitarfélagið til félagsmálaráðuneytisins. Hann telur að á

sér hafi verið brotið þegar fræðslunefnd taldi hann ekki uppfylla skilyrði sem sett foru fram í auglýsingu um starfið. Einn af þremur umsækjendum þótti uppfylla skilyrðin. Halldór Halldórsson, bæjarstjóri Ísafjarðarbæjar, segir að ástæða þess að tveir umsækjendur um stöðu forstöðumanns Skóla- og fjölskylduskrifstofu hafi ekki verið boðaðir í viðtal sé einföld, þeir hafi einfaldlega ekki uppfyllt skilyrði um menntunarkröfur. Samkvæmt auglýsingu þurftu umsækjendur að hafa háskólapróf eða sambærilega menntun, stjórnunarhæfileika og hæfileika í mannlegum samskiptum.

Pétur Björnsson telur sig uppfylla þau skilyrði. Hann er íþróttakennari að mennt og hefur starfað í lögreglu Vestfjarða um árabíl. Fræðslunefnd mælti með því að Margrét Geirsdóttir yrði ráðin í stöðuna; Fjórir sóttu um stöðuna; Margrét Geirsdóttir, Freydis Jóna Freysteinsdóttir, Pétur Björnsson og Unnar Reynisson. – smari@bb.is

Viðtöl hjá náms- og starfsráðgjafa

Björn Hafberg verður til viðtals á Ísafirði frá og með þriðjudeginum 19. júní. Ráðgjöfin er þáttur í átaksverkefni á landsvísu.

Náms- og starfsráðgjafinn getur hjálpað þér með upplýsingar um nám og störf, aðstoðað við að kanna áhugasvið og hæfni, veitt upplýsingar um mögulegar námsleiðir og styrki, aðstoðað við að setja sér markmið og útbúa námsáætlun eða veitt ráðgjöf um persónuleg málefni.

Notaðu tækifærið og fáðu nánari upplýsingar eða pantaðu viðtal hjá okkur á Fræðslumiðstöðinni í síma 456 5025. Viðtalið tekur um eina klukkustund og er það ókeypis.

Fræðslumiðstöð Vestfjarða.



Frá Verkmenntaskóla Austurlands í Neskaupstað

Undanfarin ár hefur VA boðið upp á fjarnám fyrir aðstoðarfólk á leik- og í grunnskólum. Kennar hefur verið á laugardögum með aðstoð fjarfundabúnaðar til margra staða á landinu.

Í haust verður einnig boðið upp á stuðningsfulltrúa- og leikskólabrú, sem eru sérgreinar námsins, auk skilyrða um aldur og starfsreynslu. Námið hentar vel meðfram vinnu.

Allar upplýsingar eru gefnar í síma 895 9986 eða á netfanginu va@va.is til 22. júní nk.

Skólameistari.



Eins og sjá má eru stórar hrúgur af óskilamunum í grunnskólanum á Ísafirði.

Óskilamunir fyrir hundruð þúsunda

Gríðarlegt magn óskilamuna er í Grunnskólanum á Ísafirði eftir veturinn. Húsvörður skólans, Friðrik Stefánsson, hefur komið óskilamunum öllum fyrir í aðal anddyri skólans við Austurveg, og kennir þar ýmissa grasa. Peysur, buxur, skór, íþrótt- og sundföt, úlpur, snjóbuxur, skólakrúkur, nestisbox, skóla-

bækur, auk húfa, vettlinga og ullarsokka í tugatali bíða þarna eftir að eigendur vitji þeirra. „Þarna eru fót í það heila fyrir fleiri hundruð þúsund krónur,“ segir Friðrik.

„Það er alveg með ólíkindum að foreldrar skuli vera svona kærlausir gagnvart þessu.“ Friðrik segir að skólinn verði opinn í þessari viku þannig að eigendur, eða for-

eldrar eigendanna, geti sótt fötin sín. Það sem verður eftir í vikulokinn fer í fata-söfnun Rauða krossinn. „Ég fór með mikið magn af fötum í Rauða krossinn í fyrra, og þó að þar sé verið að styrkja gott málefni finnst manni það samt sárt, því við vitum að það eru krakkar hér í skólanum sem eiga þessi föt,“ segir Friðrik.

Ýmsar figúrir heim-sækja Ísafjörð 17. júní

Fjölbreytt hátíðardagskrá fer fram í Ísafjarðarbæ í tilefni 17. júní. Að vanda hefst hátíðardagskrá á Eyrartúni kl. 13 en að henni lokinni verður boðið upp á skemmtiatriði á Silfurtorgi undir stjórn Elfars Loga Hannessonar.

„Það verður sérlega vönduð dagskrá í boði fyrir alla frá tveggja til 102 ára. Karíus og Baktus ætla til dæmis að mæta á svæðið en þeir eru mjög

spenntir fyrir því þar sem þetta er einmitt sá dagur þar sem krakkarnir borða mikið sælgæti. Einnig er von á Bastían bæjarfógeta frá Kardimommubæ, en Ísafjörður hefur einmitt oft verið nefndur kardimommubærinn svo það verður skemmtilegt að fá vita hvort eitthvað sé til í því. Svo ætlar figúra sem kallar sig sparikallinn að storma hingað vestur. Hann er mjög upptekinn af því að

vera sparilega klæddur og spara pening og kemur frá plánetunni Spari“, segir Elfar Logi.

Að auki mun Morrinn koma fram og frístæl dans verða síðan framhaldið kl. 20 um kvöldið. „Þetta er rjóminn af því sem er að gerast en það ættu allir að finna sér eitthvað við sitt hæfi.“ – thelma@bb.is

Góður gangur hjá gistihúsinu Við fjörðinn

Góð aðsókn er að Gistihúsinu við Fjörðinn á Þingeyri og eru bókanir þegar farnar að berast fyrir næsta ár. „Við hjá Gistihúsinu við Fjörðinn og F & S hópferðabilum opnuðum nýja heimasíðu 1. júní sl. sem Snerpa á Ísafirði sá um að hanna og setja upp. Við vonumst til þess að nýja síðan þjóni viðskiptavinum okkar og öðrum sem áhuga hafa á Vestfjörðum,“ segir Sigríður Helgadóttir annar eigenda gistihússins og F & S hópferðabíla. Gistihúsið við Fjörðinn opnaði sumarið 2000. Þar eru herbergi og íbúðir fyrir ferðafólk, en einnig eru þar aðalstöðvar Skjólaskóga á Vestfjörðum. F & S hópferðabílar ehf. eiga og reka níu hópferðabíla, en nýlega keypti fyrirtækið bílaflota FMG á Ísafirði og tók við aksturssamningum þeirra. Einnig á fyrirtækið hlut í Hópferðamiðstöð Vestfjarða.



Gamla kirkjan á sínum stað í Engidal.


Gamla kirkjan enn í Engidal

Athygli vekur þegar farið er inn í Engidal að Ísafjarðarkirkja hin eldri er enn þar. Eftir bruna kirkjunnar árið 1987, fóru í hönd miklar bollalaggingar hvort endurbyggja ætti kirkjuna eða reisa nýja. Úr varð að ný kirkja var reist á staðnum þar sem hin eldri stóð. Séra Magnús Erlingsson, sóknarprestur á Ísafirði, segir að söfnuðinum hafi verið skylt að taka gömlu kirkjuna niður, spýtu fyrir spýtu, og varðveita

hana, annars hefði ekki fengist leyfi til að rífa hana. Kirkjan var tekin niður árið 1991 og hún tekin niður með yfirumsjón Húsafríðunarnefndar. Hver spýta var merkt, hvort sem þær voru heilar, fúnar eða brunnar. Því næst var smíðað utan um hana til að varðveita innviði kirkjunnar um ókomin ár. Enn hýrast spýturnar í Engidal, 16 árum síðar. Magnús segir að þessi að-

gerð hafi kostað söfnuðinn umtalsvert fé, bæði vinna iðnaðarmanna og laun starfsmanna Húsafríðunarnefndar féllu á söfnuðinn. Ekki var undan þessum fjárútlátum komist og sérstakt ráðherra-bref þurfti frá menntamálaráðherra til að leyfi fengist til að taka kirkjuna niður. „Ég skil vel að menn vildu varðveita gömlu kirkjuna og endurbyggja hana á sínum gamla stað. Það var góð hug-

mynd en hún varð ekki ofan á. Ég sé ekki fyrir mér að hún verði endurbyggð og þrátt fyrir að vel hafi verið gengið frá öllu á sínum tíma og byggt utan um spýturnar er ég hræddur um að eitthvað sé farið að skemmast. En ég vona að sjálfsögðu að einhverjir sjái sér fært að endurbyggja kirkjuna í framtíðinni, en það verður ekki söfnuðurinn,“ sagði sr. Magnús Erlingsson. – smari@bb.is



Vilji fyrir því hjá Fjórðungssambandinu að hefja refaveiðar í Hornstrandafriðlandinu.

Tjón vegna refa hefur ekki aukist

Tjón sauðfjárbænda vegna refa hefur ekki aukist frá því að friðun refs í Hornstrandafriðlandinu tók gildi, segir Páll Hersteinsson, prófessor í spendýrafræði við Háskóla Íslands og vísar í skýrslur fjárræktarfélaga í nágrenni við friðlandið. Páll hefur skrifað um refi og rannsakað þá í mörg ár.

Páll segir það engin tíðindi að friðun tófu í friðlandinu valdi streymi þeirra úr og í friðlandinu, hann hafi bent á það árið 1980 að öllu á sínum tíma og byggt utan um spýturnar er ég hræddur um að eitthvað sé farið að skemmast. En ég vona að sjálfsögðu að einhverjir sjái sér fært að endurbyggja kirkjuna í framtíðinni, en það verður ekki söfnuðurinn,“ sagði sr. Magnús Erlingsson. – smari@bb.is

verði konnuð og ekkert sem bendir til að þeim hafi fjölgað.

Fyrir skömmu skilaði vinnuhópur á vegum Fjórðungssambands Vestfirðinga um refa- og minkaveiðar af sé tillögum þar sem m.a. lag til að hefja á nýjan leik tófuveiðar í Hornstrandafriðlandinu. Refir hafa verið friðaðir á Hornströndum síðan 1994. Vinnuhópurinn leggur til að óskað verði eftir samstarfi við Umhverfisstofnun og umhverfisráðuneytið um leiðir til að fækka refum í og við Hornstrandafriðlandið. Þá vill nefndin að metið verði á vistfræðilegum forsendum ásætlanleg stofnstærð refa í friðlandinu. Fjórðungssambandið samþykkti tillögurnar fyrir sitt leyti og vísaði þeim til sveitarstjórna á Vestfjörðum. – smari@bb.is

Áfram unnið að fornleifarannsóknnum í Vatnsfirði

Fornleifauppröftur verður í Vatnsfirði við Ísafjarðardjúp í sumar líkt og síðustu þrjú sumur. „Við verðum í fjórar vikur, eins og venjulega,“ segir Garðar Guðmundsson fornleifafræðingur, en hann hefur umsjón með verkinu. „Sérstakur fjarkönnunarbúnaður verður notaður til að rannsaka bæjarhólinn, svokallaður ground penetrating radar, en hann skoðar niður í jörðina og staðsetur rústir. Þannig getum við staðsett betur og nákvæmar hvar við ætlum að opna og grafa.“

Aðallega hefur verið grafið á tveimur stöðum, norðan við bæjarhólinn, fyrir ofan prestshúsið, þar sem er skáli frá 10. eða 11. öld, en einnig var byrjað að grafa á sjálfum bæjar-

hólnum síðasta sumar. „Við vorum komin niður á hluta af húsi, síðasta íverustaðnum á bæjarhólnum, og munum halda áfram að grafa á báðum stöðunum í sumar. Þá verður svæðið í kring rannsakað nánar til að ná heildarmynd á búsetu í firðinum öllum,“ segir Garðar.

Í Vatnsfirði er rekinn vettvangsskóli fyrir fornleifafræðinema á vegum Fornleifastofnunar Íslands. Í ár eru 13-14 nemendur við skólann, svipað margir og síðustu ár. Skólinn er í samstarfi við tvo háskóla í Osló og New York. Nemandur skólans eru frá öllum heimshornum, m.a. Ástralíu, Kanada, Evrópu og Íslandi.

Hjá Fornleifastofnun Íslands fengust þær upplýsingar

að einnig verða rannsóknir í Hringisdal í Arnarfirði, en þar fundust tvö kuml síðasta sumar, annað sérlega heillegt, en

þar fannst beinagrind hávaxins ungs manns sem hefur tók allt sitt haugfé, alvæpni, spjót, sverð og skjöld til hinstu hvíldar.

HEILBRIGGISSTOFNUNIN ÍSAFJARÐARBÆ

Háls-, nef- og eyrna-sérfræðingur á Ísafirði

Sigurður Júlíusson, háls-, nef- og eyrna-sérfræðingur verður með móttöku á Ísafirði dagana 21.-23. júní nk.

Tímাপantanir eru í síma 450 4500 alla virka daga frá kl. 08:00-16:00.

Tattoo-stofa opnar á Ísafirði

Húðflúrstofa verður opnuð á Ísafirði á næstunni og er það í fyrsta sinn sem slík stofa opnar í bænum samkv. upplýsingum blaðsins. Málfríður Sigrúnardóttir húðflúrari mun reka stofuna.

„Ég er fæddur teiknari og myndlistin er númer eitt, tvö og þrjú hjá mér. Ég sá nú ekki beint fram á að geta lifað af málverkum og tattoo listin var sú atvinnugrein sem ég fann mig í, enda tengist hún því sem ég hef áhuga á og gefur mér færi á að þroskast í myndlistinni“, segir Málfríður aðspurð út í ástæðu þess að hún fór út í húðflúrun.

Tattoo-stofan verður til húsa á Silfurtorgi, þar sem Hárfloppur var til húsa þar

til fyrir skömmu og Björnsbúð var til margra ára. Málfríður segir viðbrögð meðal bæjarbúa hafa verið góð og nú þegar sé byrjað að panta tíma. Auk flúrunar verður þar m.a. í boði götun og úrval lokka. „Ég fór út til Bandaríkjanna að læra að gera tattoo og það var alltaf ætlunin að flytja út og vinna við þetta þar, en svo ákvað ég að verða mér úti um meiri reynslu fyrst á Íslandi og svo varð úr að ég er að opna stofu á Ísafirði“, segir Málfríður.

Málfríður segist stefna að því að opna stofuna um miðjan mánuð eða jafnvel fyrr. Hún er ættuð frá Þingeyri en hefur búið víða um land. – thelma@bb.is

Sóley ráðin framkvæmdastjóri

Sóley Guðmundsdóttir hefur verið ráðin í starf framkvæmdastjóra Svæðisskrifstofu málefna fatlaðra á Vestfjörðum. Sóley er menntaður þroskaþjálfari. Laufey Jónsdóttir, sem sinnt hefur starfi framkvæmdastjóra síðustu 16 ár lætur af störfum í lok mánaðarins. Hún tekur við starfi framkvæmdastjóra Svæðisskrifstofu málefna fatlaðra á Suðurlandi. Þrír umsækjendur voru um starfið, Sóley, Gísli Þór Gunnarsson og Svanlaug Guðnadóttir.



Umferð um Þingeyraflugvöll

Sá fáheyri atburður gerðist á sjómannadag að tvær Fokker flugvélar Flugfélags Íslands voru samtímis á Þingeyraflugvelli. Vélarnar lentu í Dýrafirði með 10 mínútna millibili og var önnur þeirra í leiguflogi en hin í áætlunarflugi. Á mánuðeginum lenti svo lítil flugvél á Þingeyravelli. „Vonandi er þetta það sem koma skal á Þingeyraflugvelli - meiri umferð og meiri notkun“, segir í frétt á thingeyri.is.



Frá undirritun samnings um nýtt Rannsókn- og fræðasetur Háskóla Íslands í Bolungarvík.

Nýtt Rannsókn- og fræðasetur á Vestfjörðum

Undirritaður hefur verið samningur um nýtt Rannsókn- og fræðasetur Háskóla Íslands á Vestfjörðum sem mun taka til starfa í Bolungarvík innan tíðar. Háskóli Ís-

lands, Náttúrustofa Vestfjarða og Bolungarvíkurkaupstaður eru samstarfsaðilar og skipa stjórn setursins ásamt fulltrúa frá Fjórðungssambandi Vestfjarða.

Í fréttatilkynningu kemur fram að Rannsókn- og fræðasetrið er faglega sjálfstæð eining sem heyrir undir Stofnun fræðasetra Háskóla Íslands. Því er ætlað að vera

vettvangur fyrir samstarf Háskólans við sveitarfélög á Vestfjörðum, stofnanir, fyrirtæki, félagasamtök og einstaklinga. Meginhlutverk þess er að efla rannsókn- og

fræðastarf Háskóla Íslands á Vestfjörðum, í samvinnu við rannsóknastofnanir og háskóla, einkum rannsóknir á náttúru atvinnu- og menningarsögu Vestfjarða með áherslu

á ferðamál. Þá er setrinu ætlað að stuðla að margvíslegri háskólakennslu eftir því sem kostur er og stuðla að því að haldin verði norræn og alþjóðleg námskeið.

HREYFING ER HJARTANS MÁL

HLAUPIÐ ER Á EFTIRTÖLDUM STÖÐUM Á SVÆÐINU

Ísafjörður	Íþróttahúsinu Torfnesi kl. 11:00.
Bolungarvík	Frá Hrafnakletti kl. 11:00. Einnig línuskautahlaup. Forskráning í Samkaup.
Súðavík	Frá Verk-Vest kl. 11:00. Forskráning í Vikurbúð.
Flateyri	Frá Íþróttahúsinu kl. 13:00.
Suðureyri	Haldið 17. júní. Frá Grunnskólanum kl. 11:00. Forskráning í Esso skólanum. Fritt í sund.
Patreksfjörður	Frá Íþróttamiðstöðinni kl. 13:00. Forskráning í Íþróttamiðstöðinni og í síma 456-1301.
Barðaströnd	Frá Innri Múla kl. 14:00.
Tálknafjörður	Frá Lækjartorgi kl. 13:00. Skráning á staðnum.
Bildudalur	Frá Slökkvistöðinni kl. 14:00. Forskráning hjá Ragnheiði í síma 846-8859 og Elinborgu í síma 849-8789.
Þingeyri	Frá Íþróttamiðstöðinni kl. 10:00.
Hólmavík	Frá Sóluskálanum kl. 13:00.
Bjarnarfjörður	Hlaupið.
Drangsnæs	Frá Fiskvinnslunni kl. 11:00.

SJÓVÁ KVENNAHLAUP ÍSÍ LAUGARDAGINN 16. JÚNÍ

GANGA EÐA SKOKK ÞÚ RÆÐUR HRAÐANUM ÞÁTTÖKUGJALD 1.000.- KR.

MÆTUM ALLAR!

ÉG MIG

Það er mikilvægt fyrir hverja konu að þekkja hjartað sitt. Skoðuðu bæklinginn „Hreyfing er hjartans mál“ og kynntu þér forvarnir og helstu áhættuþætti hjarta og æðasjúkdóma

HJARTAVERNÐ

SJÓVÁ

Taktu þátt í léttum leik og sendu okkur mynd eða myndskelð af undirbúningi fyrir Sjóvá Kvannahlaup ÍsÍ og þú getur unnið glæsilegan dekurdag fyrir hópinn þinn. Nánari upplýsingar á sjova.is

Afraksturinn afhentur bráðadeild HSI

Þorbjörg Finnbogadóttir og Auður Höskuldsdóttir færðu bráðadeild Heilbrigðisstofnunar Ísafjarðarbæjar afrakstur styrktar og minningartónleika um Magnús Frey Sveinbjörnsson, son Þorbjargar og Sveinbjörns Magnússonar í síðustu viku. Alls söfnuðust 100 þúsund krónur, sem koma sér mjög vel fyrir deildina. Auður H. Ólafsdóttir, deildarstjóri bráðadeildar, veitti gjöfinni viðtöku. Er aðstandendum tónleikanna og flytjendum færðar hugheilar þakkir fyrir framlag þeirra í tilkynningu frá stofnuninni. Styrktartónleikarnir voru haldnir í Ísafjarðarkirkju. Dagskrá tónleikanna var fjölbreytt, en meðal þeirra sem komu fram voru Alda Dilljá Jónsdóttir úr Reykjavík, Auður Guðjónsdóttir frá Ísafirði og Bjarney Ingibjörg Gunnlaugsdóttir, sópransöngkona á Ísafirði.



Uppselt á Vovka og Erling

Tónlistarhátíðin Við Djúpið er handan við hornið á Ísafirði og aðstandendur hennar jafnt sem gestir orðnir fullir tilhlökkunar. Á þriðja tug nemenda hafa skráð sig á námskeið hátíðarinnar og er þegar orðið fullt á sellómasteklass Erlings Blöndal Bengtssonar og píanómasteklass Vovka Stefáns Ashkenazys. „Við erum afar ánægð með viðtökurnar, og gaman að sjá nám-

skeiðin fyllast eitt af öðru,“ segir Tinna Þorsteinsdóttir, annar skipuleggienda hátíðarinnar.

„Enn eru pláss laus á einhver námskeið, t.d. námskeið Davíðs Þórs Jónssonar á spunapíanó. Ég vil sérstaklega hvetja Ísfróðinga og nærsveitamennt til að sækja námskeiðið. Það verður án efa mjög spennandi og skemmtilegt ef eitthvað er að marka orðsporið

sem fer af Davíð, en hann er talinn einn fremsti djasspíanísti á Íslandi í dag. Námskeiðið er bæði fyrir fagmenn og fiktara, þannig að alls ekki er nauðsynlegt að vera listaháskólagenginn til að sækja það.“

Á hátíðinni verður, fyrir utan masterklassa boðið upp á fjölda metnaðarfullra tónleika við allra hæfi. „Síðan síðasta hátíð var haldin hefur

marginn breyst á Ísafirði og aðstaða til hátíðahalda af þessu tagi hefur stórbátnað. Fyrst ber að nefna nýjan flygil í Hömrum sem fagmenn segja þann besta á landinu um þessar mundir. Eins var hið langþráða Edinborgarhús tekið í notkun á ný ásamt nýjum flygli. Þetta er mikið fagnaðar efni, og hefur gert skipulagningu og framkvæmd hátíðarinnar auðveldari,“ segir Tinna.



Úthlutunarreglur Súðavíkur vegna byggðakvóta

Súðavíkurhreppur hefur samþykkt reglur vegna úthlutunar byggðakvóta fyrir næsta fiskveiðiár. Súðavíkurhreppur fékk samkvæmt reiknireglu sjávarútvegsráðuneytisins, 204 tonna byggðakvóta. Reglurnar eru til umsagnar hjá ráðuneytinu. Við úthlutun til skipa verði stuðst við reglugerð 439/2007 að undanskildum eftirfarandi breytingum:

1. Við úthlutun má heildarflamark einstakra fiskiskipa

aukast meira en nemur 100% í þorskígildistonnun talið, miðað við úthlutun í upphafi fiskveiðiárs 2006/2007 en ekkert fiskiskip skal hljóta meira en 80 þorskígildislestir.

2. Eigendur skipa sem eru með fleiri en eitt skip í rekstri og fá úthlutað byggðakvóta er heimilt að færa veiðiskilyðu yfir á annað skip, sé skipið sannanlega í eigu sama aðila, 1. maí 2007 og að öðrum skilyrðum samkvæmt reglugerð

439/2007 uppfylltum.

3. Áður en kemur til úthlutunar byggðakvóta á skip skal útgerðaraðili/vinnslustöð leggja fram gögn er sýna fram á að landaður afli, samkvæmt 6. gr. reglugerðar nr. 439/2007 hafi sannanlega verið unnin í Súðavík.

Úthluta skal byggðakvóta á skip samkvæmt eftirfarandi reglum:

a. 127 þorskígildistonn skal úthluta á skip hlutfallslega

með tilliti til úthlutaðra aflahéimilda í upphafi fiskveiðiársins 2006/2007.

b. 69 þorskígildistonn skal úthluta hlutfallslega með tilliti til landaðs afla í Súðavík á fiskveiðiárinu 2006/2007.

c. 8 þorskígildistonn skulu skiptast hlutfallslega jafnt milli þeirra skipa sem fá úthlutað minna en 1 þig.tonni samkvæmt a, og b lið reglna þessa og uppfylla önnur skilyrði samkvæmt reglugerðar 439/2007.

Sverðin hanga yfir sjávarbyggðunum

„Sverðin hanga yfir sjávarbyggðunum í orðsins fyllstu merkingu og enginn virðist vita hvar þau falla, hverjir verða fyrir þeim næst,“ sagði Ingibjörg Inga Guðmundsdóttir, varaþingmaður Vinstrihreyfingarinnar - græns framboðs, í utandagskrárumæðum á Alþingi í síðustu viku um vanda sjávarbyggðanna. Ingibjörg rakti bága stöðu byggðarlaga á Vestfjörðum og þann ótta sem uppi er um að kvóti kunni að flytjast frá

Vestmannaeyjum. Taldi hún hátt verð á kvóta eina af ástæðum þess hvernig komið væri og sagði kvíða og óvissu ríkja meðal íbúa nokkurra byggðarlaga á Vestfjörðum.

Einar K. Guðfínsson sjávarútvegsráðherra sagði vandann snúa sumpart að fiskveiðistjórnuninni en öðru væri líka um að kenna, til dæmis efnahagsskilyrðum. Sagði hann að við úthlutun byggðakvóta fyrir næsta fiskveiðiár yrði horft sérstaklega til þeirra byggðar-



Ingibjörg Inga Guðmundsdóttir.

laga þar sem kvótinn er minnstur og staðan alvarlegust. Þá sagðist Einar vilja kanna hvort hægt væri að styrkja forkaupsréttarákvæði sveitarfélaga á kvóta og að fara þyrfti yfir vankanta leiguframsals.

Að auki sagði hann mikilvægt að horfa til annarra þátta, svo sem samgangna og uppbyggingar annarra atvinnugreina. Óssur Skarphéðinsson iðnaðarráðherra greindi frá því að þegar hefðu verið auglýst tíu ný opinber störf á Vest-

fjörðum og í bígerð væri að auglýsa tíu til viðbótar. Grétar Mar Jónsson, Frjálslynda flokknum, sagði fiskveiðistjórnunarkerfinu um að kenna hvernig ástætt væri á landsbyggðinni. Öll vandamál væru „bölvuðu“ kerfinu að kenna.

Birkir Jón Jónsson, Framsóknarflokkur, sagði mikilvægt að hluti veiðigjalds yrði látinn renna aftur til nýsköpunar og atvinnuuppbyggingar í byggðunum, nægar væru hugmyndirnar en peningana skorti. Ein-

ar Oddur Kristjánsson, Sjálfstæðisflokkur, sagði hágengistefnunni um að kenna. Sagðist hann gera ráð fyrir að reynt yrði að hefja fiskvinnslu á Flateyri á ný en það yrði ekki auðvelt nema með nýjum forsendum efnahagsmála.

Ný veiðiráðgjöf Hafrannsóknastofnunar kom til umræðu og sagði Bjarni Harðarson, Framsóknarflokkur, mikilvægt að fara að ráðum stofnunarinnar. Ekki væri við neitt betra að styðjast.

TRYGGVI GUÐMUNDSSON HDL
lögiltur fasteignasali
 Hafnarstræti 19 - Ísafirði • Sími: 456 3244
Guðmundur Óli Tryggvason
lögiltur fasteignasali
 Fax: 456 4547 • Netfang: eignir@fsv.is
 Heimasíða: www.fsv.is

<p>Eyrargata 3, Ísafirði 147 m² fimm herbergja íbúð á tveimur hæðum ásamt helmingi 60m² bílskúrs, nýtt baðherbergi á neðri hæð. 15.500.000,-</p>	<p>Sundstræti 30, Ísafirði Fimm herbergja íbúð á miðhæð í þrjúbýlishúsi ásamt bílskúr. Íbúðin er 133,4 m², geymsla í sameign, 6,2 m² og bílskúr er 30,6 m² eða samtals 170,2 m², eldhús og bað uppgert. 17.200.000,-</p>
<p>Mjallargata 1, Ísafirði Fjögurra herbergja risíbúð í fjölbýlishúsi. Íbúðin snýr í suður og austur, er með þrennar svalir og er 147 m² að stærð. 15.900.000,-</p>	<p>Mánagata 2, Ísafirði 148 m² íbúð á tveimur hæðum í tvíbýlishúsi ásamt 23,7 m² atvinnuhúsnæði og eignarlóð. 14.500.000,-</p>
<p>Hólsvegur 13, Bolungarvík 232 m² steinsteypt einbýlishús á tveimur hæðum. Húsið er einangrað að utan og klætt með álklaðningu. 10.900.000,-</p>	<p>Hjallavegur 2, Flateyri Einbýlishús með bílskúr, samtals 163 m² að stærð, þrjú svefnherbergi, nýtt þak á öllu húsinu. 9.500.000,-</p>
<p>Brinnesvegur 14, Flateyri 111 m² einbýlishús með þremur herbergjum, kjallari og geymsluloft. 6.500.000,-</p>	<p>Hlíðarstræti 17, Bolungarvík 138,5 m² einbýlishús með fallegum garði. 13.800.000,-</p>
<p>Silfurgata 11, Ísafirði Þriggja herbergja íbúð á tveimur hæðum, skráð stærð er 74 m². Uppgert baðherbergi. 8.700.000,-</p>	<p>Skólástigur 14, Bolungarvík 83 m² þriggja herbergja íbúð í fjölbýli með sérinngangi, húsið var nýlega einangrað og klætt að utan. 5.500.000,-</p>

Kokkarnir

Nýir menn í eldhúsi hótelsins

Tveir ungir kokkar taka við rekstri veitingahluta Hótel Ísafjarðar í sumar. SKG – veitingar hætta rekstri á Hótelinu eftir margra ára farsælt starf. Kokkarnir eru þeir Eiríkur Johannsson og Halldór Karl Valsson. Bláamanni lék forvitni á að vita hvað drífur unga menn út í hinn harða heim sem veitingahúsarekstur er og hvort þeir hafi eitthvað nýtt á þróunum og fékk Eirík í stutt spjall. En er ekki ráð, að gömlum sveitasið, að spyrja manninn um uppruna og ættir?

„Ég er að sunnan en á ættir mínar að rekja vestur. Amma er fædd og uppálin í Súgandafirði. Nánar tiltekið Botni í Súgandafirði. Ástæða þess að ég fór vestur er ættartengslin. Ég fór að vinna hjá Klofningi á Suðureyri, hjá Guðna frænda mínum Einarssyni. Svo er þetta eins og gengur og gerist, ég kynnist konu og hef verið búsettur hér síðan 2002. Fljótlega ákveð ég að skella mér í kokkerið og fer að læra hjá SKG veitingum. Það er ár síðan ég kláraði og ég hef unnið hjá SKG síðan.“

–Af hverju fyrstu í kokkinn?
„Ég var búinn að prófa ýmislegt annað og meðal annars hafði ég byrjað í kokkanámi. Ég fann mig alveg í því en fannst ég vera of ungur til að fastnegla eitthvað nám. Mér hefur alltaf fundist gaman að elda og því ákvað ég að skella mér í þetta á endanum. Það var mjög gott að læra hjá SKG. Ekki niðurnjörvað nám og mjög fjölbreytt og maður er settur í öll verk. Það er mjög gott þegar maður er í læri.“

–Hvað er skemmtilegast að elda?
„Það er voðalega erfitt að segja. Öll matreiðsla er skemmtileg. Þetta fag býður upp á óteljandi möguleika og maður getur endalaust þróað sig áfram.“

Strákarnir – veitingar ehf

–Nú ert þú að fara að taka við veitingastaðnum á hótelinu, hvað kemur til?

„Jú, það er rétt. Við Halldór Karl Valsson náðum samkomulagi við Hótel Ísafjörð á dögunum um að taka við veitingastaðnum. Við tökum við staðnum þann 1. ágúst. Halldór er Bolvíkingur, sonur Valla bakara, og honum hefur langað til að flytja heim. Við höfum verið með þetta í magnum í nokkurn tíma og þegar

tækifærið bauðst var ekkert að gera nema stökkva á það.“

–Verður reksturinn með sama sniði og hjá SKG?

„Að mestu leyti, jú. Með nýjum mönnum verða þó alltaf einhverjar breytingar en þær verða litlar fyrst um sinn, enda hefur reksturinn verið mjög góður.“

–Er komið nafn á fyrirtækið?

„Það er komið nafn á fyrirtækið sem er Strákarnir – veitingar, en ekki á veitingastaðinn sjálfan.“

–Hvernig leggst þetta í ykkur?

„Við erum mjög spenntir. Búinir að þæla mikið í þessu og ætlum að gera þetta af alvöru og það verður engin ævintýramennska í þessu hjá okkur. Við erum ekki að fara út í þetta til að fara á hausinn. Ætlum að gera þetta heilshugar og reyna að þjónusta bæjarbúa eins og vel og við getum.“

–Hefur veitingabransinn ekki það orð á sér að vera harður bransi?

„Jú, en á okkar svæði þurfa öll dýrin í skóginum að vera vinir. Markaðurinn er ekki stór og við þurfum að vinna saman og hver að finna sína sérstöðu.“

Blanda sem gæti virkað

–Halldór hefur komið víða við ekki satt?

„Mikið rétt. Hann lærði á Hótel Sögu. Svo hefur unnið bæði í Frakklandi og í Noregi og er núna að elda í Perlunni. Hann hefur reynslu frá mismunandi stöðum og mismunandi menningarheimum. Ég hef aftur á móti bara verið hér og tel mig vita hvað Ísfirðingar og nágrannar vilja og ég vona að þessi blanda eigi eftir að virka vel.“

–Nú eruð þið ekki gamlir menn?

„Nei, ég 24 ára og Halldór er 25 ára þannig að við fyllum ekki 50 árin.“

–En hvernig er starf kokksins?

„Mér þykir þetta vera mjög fin vinna. Margir tala um að vinnutíminn sé leiðinlegur, þegar aðrir skemmta sér eru kokkar og þjónar í vinnunni. En það má hugsa þetta öðru vísi. Þegar aðrir eru að skemmta sér og eiga notalega stund yfir göðum mat ert þú líka að gera það, nema að þú færð borgað fyrir það og skemmtir þér öðruvísi með. En vissulega



Eiríkur Johannsson annar eigenda Strákarnir – veitingar ehf.

þarf sérstaka karaktera í þetta ef fólk ætlar að endast í þessu.“

–Meðal atburða sem hafa skapað sér sess hjá SKG eru td. villibráðaveislan. Verður framhald á þeim?

„Það er komin hefð fyrir villibráðaveislunni og ég geri ráð fyrir að við höldum þeim áfram. Sem og jólahlaðborðinu og nýársfagnaðinum. Kannski verða einhverjar aðrar áherslur en það verður bara að skoðast í rölegheitum. Halldór kemur fullur af nýjum og ferskum hugmyndum úr hinum stóra heimi. Ég get þá bremsað hann af ef hann ætlar út í einhverja ævintýramennsku. Ég er kannski ekki staðnaður í kokkeriinu en þegar

maður hefur bara unnið á einu eldhúsi þá verður maður heimakær á sinni þúfu og því gott að fá nýjan mann í eldhúsi.“

Purfum að fylla í stór fótspor

„Ég býst við að smurbrauðið danska hadli áfram. Það er einfaldlega svo vinsælt. SKG hafa verið dugleg að skapa ýmsar hefðir sem voru ekki til staðar þegar þau tóku við. Við þurfum að fylla í stór fótspor en við hljótum að geta það.“

–Hefur þetta verið lengi í deiglu?

„Já og nei. Halldóri hefur langað að flytja heim og hann hefur skotið því að okkur að láta sig vita þegar þau á SKG ætla að hætta þá myndi hann koma heim. Hann er enn fyrir sunnan og kemur þegar við tökum við.“

–Fari ekki nærri allir kokkar út í eigin rekstur fyrr eða síðar?

„Mjög margir alla vega. Sérstaklega held ég að það sé algengt á landbyggðinni. Takmarkið hjá mörgum er að stjórna í eldhúsinu og að maturinn sé eftir þeirra höfði og því held ég að margir fari út í eigin rekstur.“

–Verðið þið harðir húsbóndar? Munuð þið taka stjórnukokkinn Gordon Ram-

sey ykkur til fyrirmyndar?

„Gordon Ramsey er mjög sérstakur maður og kokkurinn finnst Ramsey og þátturinn hans, Hell's Kitchen, vera á köflum mjög fyndinn. Þegar mikið er að gera verður oft mikill æsingur og árekstrar milli manna en í þáttunum er nú verið að ýkja þetta verulega fyrir skemmtanagildið. En Ramsey þykir mjög klikkaður maður.“

–Óskur og blótsyrði munu sem sagt ekki heyrast fram í sal?

„Nei, gestirnir eiga alla vega ekki að verða varir þau“, segir Eiríkur kíminn á svip.

–smari@bb.is



Dagskráin á Ísafirði er eftirfarandi:

- Kl. 13 - Hátíðardagskrá á Safnahústúni (sjúkráhusstúninu) Eyrartúni
söngur - fjallkona - hátíðarræða - harmoníkuspil
Hátíðarræðu dagsins flytur Sturla Böðvarsson forseti Alþingis
- Kl. 14 - Barnaskemmtun á Silfurtorgi þar sem margt verður í boði fyrir börn
á öllum aldri - Karius og Baktus, Bastían bæjarfógeti úr Karde-
mommubæ, Sparikallinn frá plánetunni Spari, Morrinn og fleira
- Kl. 15 - á bilastæðinu fyrir framan Landsbankann
Tónleikar þar sem margar hljómsveitir munu troða upp.
15:00-15:30 - Bodacious Vicious
15:30-16:00 - Fabb
16:00-16:30 - Wilson Muuga
16:30-17:00 - Le Champignon
- Kl. 20 - á Bilastæðinu fyrir framan Landsbankann - Dansleikur með
hljómsveitinni Bermúða

KFÍ mun sjá um veitingarsölu - Munið að flagga þennan dag

Dagskráin á Þingeyri

(í umsjá íþróttafélagsins Höfrungs)

- Kl. 9:30 - Gróðursetning á Þingeyrarodda
Kl. 11:00 - Viðfangshlaup. Mæting við Íþróttahúsið. Skráning á staðnum.
Kl. 20:00 - Söngvakeppni Höfrungs í Félagsheimilinu. Árni Brynjólfsson sér
um undirleik ásamt öðrum.

Dagskráin á Hrafnseyri:

Sumarháskóli Háskólaaseturs Vestfjarða og Hrafnseyrar

ÞJÓÐ OG HNATTVÆÐING:
ÞJÓÐHÁTÍÐARÞING Á HRAFNSEYRI 16.-17.JÚNÍ

17. júní kl.
10:00-12:00 Audunn Arnórsson bládamáður
Liah Greenfeld prófessor við Boston háskóla
Pallborðsumræður

Fyrirlestrarir eru á ensku og opnir öllum að kostnaðarlausu
Allir hjartanlega velkomnir!

- Kl. 14:00-14:45 - Messa. Séra Valdimar Hreinsson, sóknarprestur á Suðureyri
Kl. 15:00-15:05 - Kynnir: Eiríkur Finnur Greipsson formaður Hrafnseyrarnefndar
Kl. 15:05-15:25 - Hátíðarræða dagsins: Þorsteinn Pálsson ritstjóri Fréttblaðsins
Kl. 15:30-15:45 - Söngur: Sólveig Samúelsdóttir söngkona. Undirleikari: Margrét
Gunnarsdóttir
Kl. 15:45-16:00 - Glima: Félagar úr glímudeild Harðar
Kaffihlaðborð



Blogg Hlyns Þórs Magnússonar

<http://maple123.blog.is/blog/maple123/>

Þegar ég les meira í Morgunblaðinu um þá útreið sem landsliðið og KR fengu haustið 1967 (samtals 28-3 í þremur leikjum, sjá næstu færslu á undan), þá er tvennt sem varla dylst og mér finnst nauðsynlegt að taka fram, í ljósi þess sem fram kemur í téðri færslu. Annars vegar: Þessi úrslit eru tekin mjög alvarlega. Hins vegar: Hvergi í umfjöllun Morgunblaðsins sé ég örla á kvikindishætti eða þórðargleði í garð þeirra sem í þessu lentu. Ummæli íþróttafréttamanns Morgunblaðsins, sem ég vitnaði til, hljóma að vísu nánast eins og háð. Ég veit þó mætavel að hér var ekkert slíkt á ferðinni.

Mannlífið

Smáauglýsingar

Ég er ungur Svisslendur og hef mikinn áhuga á Íslandi. Ég vil gjarnan eignast pennavini á aldrinum 20-40 ára frá þessu fallega landi. Vinsamlegast skrifðu á ensku eða þýsku á neðangreint heimilisfang: *Vitus Castelberg, Aspermontstr. 28, CH-7000 CHUR, Switzerland.*

Á leikjadegi 1.-3. þekkingar GÍ sem haldinn var 30. maí sl. var hermannagrænt vatterað vesti með hvítri hringlaga mynd og stórum smellum tekið í misgripum. Svipað vesti var skilið eftir (framl. Zara) sem ég tók með mér heim. Vestið er sárt saknað af dóttur minni. Þeir sem kannast við þetta vesti hafi samband í síma 848 2083 (Kristín).

Hef tapað gleraugunum mínum sem eru með tvískiptum glerjum í dökkbrúnni umgjörð með gylltum hornum. Finnandi hafi samband í síma 864 6577.

Til sölu er Remington 870 ES haglabýssa, lítið notuð. Kostar kr. 37.900 í Hlað. Selst á krónur 34.500 með hreinsikitti. Frábær býssa fyrir byrjendur. Þolir öll veður. Uppl. í síma 820 7245.

Til leigu er 3ja herb. íbúð á eyrinni. Reglusemi áskilin. Uppl. í síma 456 4046 eða 892 8708.

Til leigu er stór 5-6 herb. íbúð á Engjavegi. Leigist frá 1. júlí. Upplýsingar í símu 456 5515 og 898 2596.

Til sölu Toyota Avensis árg. 06, ekinn 17.500 km. Fullt af aukahlutum. Verð kr. 2.650 þús. Tilboðsverð kr. 2.550.- þús. Uppl. í síma 820 7245.

Til sölu er fasteignin að Fagraholti 11. Húsið er mikið endurnýjað, 5 herb. einbýli. Uppl. í síma 860 7443 (Svavar) og 695 2222 (Hildur).

Ég heiti Lúkas og er 4ra mán. Border Collie Labrador. Mig og eiganda minn vantar íbúð til leigu, jafnvel kjallaráibúð. Mikilvægt er að þar með vera með hund því ég vil eiga heima hjá eiganda mínum. Uppl. í síma 456 4569 og 867 7166.

Til leigu er 70m² íbúð á eyrinni frá 1. sept. til maí loka. Eitthvað afhúsgögnum getur fylgt. Uppl. í síma 867 6657 og 892 9282.

Til sölu er stækkanlegt borðstofuborð + 6 stólar og skenkur úr eik. Sama sem nýtt. Fæst á kr. 50 þús. Uppl. í síma 892 8584 og 456 5176.

Talsvert af óskilamunum eru í Tónlistarskóla Ísafjarðar eftir síðasta vetur. Hægt er að vitja þeirra næstu daga frá kl. 11-14. Síminn í skólanum er 456 3925.

Til sölu er Mazda 323 árg. 97, ekin 111 þús. km. Upplýsingar í síma 891 7715.

Til sölu er 50cc skellinaðra árg. 2005, ekinn 1500 km. Uppl. í síma 897 6795.

Þar með tvö börn vantar íbúð til leigu frá 1. júlí. Reglusöm. Uppl. í síma 849 8699 (Thelma).

Spurning vikunnar

Hefur þú ferðast um friðlandið á Hornströndum?

Alls svöruðu 517.

**Já sögðu 267 eða 52%
Nei sögðu 250 eða 48%**

Netspurningin er birt vikulega á bb.is og þar geta lesendur látið skoðun sína í ljós. Niðurstöðurnar eru síðan birtar hér.



Héraðsskólinn að Núpi.

50 ára gamlar ræður öðlast nýtt líf

Sigurður Guðmundsson er einn af hollvinum Núpsskóla. Hann var kennari við héraðsskólann á Núpi í mörg ár og kynntist við skólann fjölda merkra manna og kvenna. Á kennsluárum sínum við Núp tók Sigurður upp ræður sem haldnar voru við hátiðlegar athafnir skólans. Nú hefur hann komið upptökunum á stafrænt form og ætlar að selja þær á Ísafirði í sumar.

„Ég var kennari í mörg ár á Núpi og á þeim tíma voru segulbönd heilmikið notuð,“ segir Sigurður. „Ég tók upp nokkra viðburði sem mér þótti athygli verðir. Síðan fóru upptökurnar niður í kassa og hálfpartinn gleymdust. Í haust fór ég eitthvað að stússa í þessu og fann út að upptökurnar voru bara í sæmilegu ástandi. Í framhaldinu fór ég að tala um þetta við Valdimar Gíslason á Mýrum í Dýrafirði, sem var einnig lengi kennari á Núpi, en hann er mikill áhugaður um þessi mál. Hann hvatti mig mjög til að koma upptökunum á stafrænt form og vann ég að því í fyrrahaust. Ég hef einnig verið í sambandi við nýstofnuð félagsamtök, Hollvíni Núpsskóla, þar sem ég var eindregið hvattur til verksins.“

Upptökurnar eru frá hinum ýmsu viðburðum, s.s. skóla-

slitum, afhendingu brjóstmyndar af Birni Guðmundssyni og 50 ára afmæli Héraðssambands Vestur-Ísafirðinga. Margir góðir ræðumenn eru á upptökunum, en einnig má þar finna skemmtiatriði, kórsöng og gamanvísur.

„Á upptöku frá skólaslitum sumarið 1965 eru það Arngrímur Jónsson, skólastjóri, ég og Erlingur Óskarsson, formaður skólafélagsins sem flytjum ávarp. Á 50 ára afmæli Héraðssambands Vestur-Ísafirðinga flytur Sveinn Hjálmarsson, sem var skólara viðburði sem mér þótti athygli verðir. Síðan fóru upptökurnar niður í kassa og hálfpartinn gleymdust. Í haust fór ég eitthvað að stússa í þessu og fann út að upptökurnar voru bara í sæmilegu ástandi. Í framhaldinu fór ég að tala um þetta við Valdimar Gíslason á Mýrum í Dýrafirði, sem var einnig lengi kennari á Núpi, en hann er mikill áhugaður um þessi mál. Hann hvatti mig mjög til að koma upptökunum á stafrænt form og vann ég að því í fyrrahaust. Ég hef einnig verið í sambandi við nýstofnuð félagsamtök, Hollvíni Núpsskóla, þar sem ég var eindregið hvattur til verksins.“

Þegar Björn Guðmundsson var kvaddur að Mýrum árið 1957, hélt meðal annarra ræðu séra Sigtryggur Guðlaugsson, stofnandi skólans. Séra Sigtryggur var þá orðinn aldraður maður, kominn á tíraðisaldur. Aðrir ræðumenn voru Jóhannes Davíðsson bóndi, Þórir



Ungt og vaskt héraðssambandsfólk í Dýrafirði.

Kristjánsson, séra Kári Vals-son sem var kennari á Núpi, Guðný Gíldóttir, bóndakona, Guðmundur Hermannsson, bóndi, Björn Guðmundsson, Arngrímur Jónsson, skólastjóri, og kynnis var Gísli Vagnsson, bóndi á Mýrum.“

–Hvað fékk þig til að gera upptökurnar?
„Þetta eru allt einstaklega góðir ræðumenn og -konur. Afar mælskir, hálfgerðir snillingar og miklir andans menn. Fremstir meðal jafningja voru Ásberg Sigurðsson, Arngrímur Jónsson og Guðmundur Ingi, skáld. Sér á parti eru svo upptökurnar af séra Sigtryggi

og Birni Guðmundssyni, sem eru öldungar á þeim tíma sem upptökurnar eru gerðar. Sigtryggur stofnaði auðvitað skólann á sínum tíma og Björn kom fljótlega inn í skólastarf- ið. Þeir Björn og Sigtryggur voru báðir miklir eldhugar, æskulýðs- og ungmennafélagsmenn. Björn var einnig mikið í félagsmálum, stofnandi ungmennafélagsins og héraðssambandsins. Þetta voru því merkilegir menn og gaman að geta hlýtt á ræður þeirra.

Þetta er búið að taka langan tíma, en verkið reyndist frekar tafsamt, bæði að hlusta á allar

upptökurnar, sortera úr þeim það áhugaverðasta og koma því svo á diskana. Þannig að diskarnir voru tilbúnir í vetur, en þá vantaði mig myndir framan á þá, og fór á stúfana eftir góðum myndum frá Núpi nú í vor.

Diskunum verður fyrst komið í sölu á aðalfundi Hollvætta Núpsskóla, sem er framundan, en svo stefni ég að því að koma vestur um Jónsmessuna til að selja diskana þar. Dagana fyrir Jónsmessu verð ég á ferðinni og sel diskana í Núpsskóla, grunnskólunum á Flateyri og Suðureyri og svo á Ísafirði.“ –tinna@bb.is

Gerður og Ólína í Menningarráð Vestfjarða

Bæjarstjórn Ísafjarðarbæjar hefur tilnefnt fulltrúa bæjarins í Menningarráð Vestfjarða. Fyrir hönd meirihlutans verður Gerður Eðvarsdóttir aðalfulltrúi, og Inga Ólafsdóttir varamaður hennar. Fyrir hönd minnihlutans var Ólína Þorvarðardóttir tilnefnd, og varamaður hennar Jóna Benediktsdóttir. Fjórðungs-samband Vestfirðinga hefur óskað eftir því að sveitarfélög á Vestfirðum tilnefni fulltrúa í Menningarráð Vestfjarða. Hlutverk Menningarráðs að standa fyrir öflugu þróunarstarfi í menningarmálum, úthluta fjármagni til menningarverkefna og verkefna á sviði menningartengdrar ferðaþjónustu, jafnframt því að annast framkvæmd samnings og samræma aðgerðir á sviði menningarmála á þeirra starfssvæði.

Helgarveðrið

Horfur á föstudag: Suðlægt átt og víða lítilsháttar rigning, síst þá á Austurlandi. Hiti breytist lítið.
Horfur á laugardag: Suðaustanátt og rigning, en þurrt á NA-landi. Hiti 10-15 stig.
Horfur á sunnudag: Austlægt átt og milt veður. Dálítil væta sunnanlands, en skýjað með köflum fyrir norðan.

tölvupósturinn...

Byggjum betra samfélag

Rauði kross Íslands stendur vörð um mannréttindi og virðingu einstaklinga. Byggjum betra samfélag er samheiti yfir áherslur Rauða krossins í mál-svarastarfi félagsins sem hefur

þann megintilgang að rjúfa einangrun fólks og vinna gegn mismunum í samfélaginu. Með slagorðinu Byggjum betra samfélag vill Rauði krossinn hvetja til umræðu í

Til: vestfirdir@redcross.is
Sendandi: thelma@bb.is
Efni: Hversu öflugt er starf Rauða krossins um þessar mundir?

samfélaginu um hvernig megi gera gott samfélag betra. Byggjum betra samfélag er ætlað bæði að vekja athygli á því starfi sem Rauði krossinn vinnur að í tengslum við mannréttindi og virðingu einstaklinga og að leggja grunn að áframhaldandi starfi á því sviði.



Bryndís Friðgeirsdóttir.



Sælkeri vikunnar er Svanhildur Garðarsdóttir á Ísafirði

Lúxus lasagna og frönsk súkkulaðikaka

Sælkeri vikunnar býður að þessu sinni upp á lúxus-útgáfu af ítalska réttinum sívinsæla lasagna. Svanhildur segir að það sé tilvalið að hafa hvít-lauksbrauð og ferskt salat með réttinum. Í eftirrétt er svo frönsk súkkulaðikaka sem enginn súkkulaðiunnandi getur staðist.

Frönsk súkkulaðikaka

Botn:
 2 dl sykur
 200 g smjör
 200 g suðusúkkulaði
 1 dl hveiti
 4 stk egg

Þeytið egginn og sykurinn saman. Bræðið smjórið og súkkulaðið saman við vægan hita. Blandið hveitinu við egginn og sykurinn og setjið loks varlega út í súkkulaðið og smjórið. Bakist við 170° í 30 mínútur.

Lúxus lasagna

½ kg nauta/lamba hakk
 1 dós niðursóðnir tómatar
 1 dós tómatur
 Oregano
 Salt
 Pipar
Sósa: Bræddur rjómaostur þynntur með mjólk

Hjúpur:
 150 g suðusúkkulaði
 70 g smjör
 2 msk siróp

Steikið hakkið á pönnu og tómötunum og skellið kryddinu út á. Leggið lasagna plötur í botninn á eldföstu móti. Hellið þar ofan á hluta af hakkinu. Næst fer í formið sósan og svo rifinn ostur. Þetta er gert þrisvar sinnum, alltaf sósa og rifinn ostur á milli laga. Hitið við 180° í 40 mínútur.

Bræðið allt saman við vægan hita. Kakan á að vera blaut í miðjunni og er kjörið að hafa með henni rjóma eða ís, og jarðaber.

Ég ætla að skora á Fanný Margréti Bjarnardóttur að koma með uppskriftir í næsta blaði.

Þjóðverjarnir ósparir á Bravó

Ég tók nýlega þátt í uppsetningu á Händel óperunni Xerxes, í óperustúdíói skólans míns hér í Berlín. Það er í rauninni ekki svo frábrugðið því að stíga á sviði heima. Þýskaland er nú ekki langt frá Íslandi og áheyrendur eru yfirleitt mættir á svæðið af sömu ástæðu hvar sem þeir eru staddir í heiminum, að njóta þess sem á borð verður borið fyrir þá. Ég hef reyndar upplifað þýska áhorfendur sem

talsvert kröfuharðari en íslenska og þeir eru ófeimnir að láta í ljós skoðanir sínar. Hef heyrt þá þú og öskra („Scheiße!“) á tónleikum og í leikhúsi ef þeir eru óánægðir (sem betur fer ekki þegar undirrituð stóð uppi á sviði) en einnig eru þeir ósparir á Bravó-in ef þeim líkar vel.

Annars eru áheyrendur hér ekki endilega mikið öðruvísi en heima. Reyndar fer það líka eftir því hvar maður er

staddur. Það er t.d. ekki það sama að syngja fyrir fagfólk niðri í skóla eða bæjarbúa í Frankfurt am Oder. Í raun þykir mér yndislegra að syngja fyrir bæjarbúana í Frankfurt am Oder, það er afslappað og áheyrendur gefa mjög mikið af sér á móti. En ég hef einnig þörf fyrir að syngja fyrir fagfólk sem gerir meiri kröfur um tækni og söngkunnáttu og það er töluvert erfiðara og stressaðra.

Ég hef reyndar verið svo heppin hingað til að eiga alltaf íslenskan fulltrúa í salnum,

Til: herdisanna@gmail.is
Sendandi: tinna@bb.is
Efni: Hvernig er að stíga á sviði í öðru landi?



Herdís Anna Jónasdóttir. ýmist fjölskyldumeðlim í heimsókn eða vini, búsetta í Berlín og það er ómetanlegt að finna straumana frá sínu fólk upp á sviði.

Sjálfs hjálparnámskeið í haust

Starf Sólstafa hefur vaxið og dafnað síðan samtökin voru stofnuð á síðasta ári. Stuðningur Vestfirðinga hefur verið ómetanlegur, og margir hafa lagt hönd á plóg til að hjálpa okkur við starfið. Sólstafir hafa t.d. fengið marga góða styrki frá fyrirtækjum og einstaklingum. Við erum afar þakklátar fyrir góð viðbrögð þeirra sem við höfum leitað til eftir aðstoð.

Til að bæta starfið enn frekar höfum við undanfarið sótt ýmis námskeið, bæði hér fyrir vestan og í Reykjavík. T.d. fóru þrjár Sólstafakonur suður um daginn á þriggja daga stíft námskeið, hjá bandarískri valkyrju sem þurfti að þola hroðalegt kynferðislegt, líkamlegt og andlegt ofbeldi í æsku og langt fram á fullorðinsár. Hún heitir Dr. Kathleen Brooks og er sprenglærð, er með mastersgráðu í menntunarfræðum með áherslu á yngri börn, og doktorsgráðu í sálfræði. Síðustu 25 árin hefur hún unnið með þolendum kynferðislegs ofbeldis, hún vinnur

með sjálfs hjálparhópa, stýrir hugleiðslu, býður upp á ýmis meðferðarúrræði og stjórnar eigin útvarpsþætti í gegnum Netið.

Þá kom Thelma Ásdísardóttir, sem flestir Íslendingar þekkja, og heimsótti okkur Sólstafakonur nú í lok maí. Fór hún vel yfir hlutverk leiðbeinanda í sjálfs hjálparhópum. Hún hefur unnið í mörg ár sem leiðbeinandi í sjálfs hjálparhópum og einstaklingsviðtölum og hefur því mikla og góða reynslu sem hún deildi með okkur. Það var mikill heiður að fá að kynna og læra af þessari sterku og hugrökku konu sem sagði alþjóð á hreinskilin hátt frá reynslu sinni sem þolandi kynferðislegs ofbeldis af hálfu föður síns og annarra manna, í bókinni Myndin af pabba.

Til stendur að fá starfskonu/konur frá Stígamótum til þess að halda námskeið fyrir okkur svo unnt verður að fara af stað með nýja sjálfs hjálparhópa í haust.

Fræðslustarf Sólstafa fór af



Harpa Oddbjörnsdóttir. stað í vetur og hefur Sunneva Sigurðardóttir, einn forspraki Sólstafa verið í samstarfi við Grunnskóla Ísafjarðar. Þar hefur hún rætt við nemendur 7.-10. bekkjar um reynslu sína sem þolandi kynferðisofbeldis. Viðbrögð nemandanna hafa verið vægast sagt góð. Mikil umræða hefur skapast þeirra á milli og bæði kennarar og foreldrar nemendanna hafa lýst yfir ánægju sinni með þetta framtak. Foreldrar hafa t.d. talað um að krakkarnir hafa komið heim eftir að hafa hlustað á Sunnevu og rætt við foreldra sína um þessi mál.

Til: harpao@solstafir.is
Sendandi: tinna@bb.is
Efni: Hvað er að frétta af Sólstöfum Vestfjarða, systursamtökum Stígamóta?

Fljótlega eftir að Sólstafir voru stofnaðir fórum við að svipast um eftir húsnæði fyrir samtökin. Á dögunum fengum við afhenda lykila að nýju aðstöðunni okkar, sem er að Túngötu 12 og mun forleg opnun fara fram innan skamms. Við erum ennþá á höttunum eftir húsgögnum, s.s. hægindastólum, eldhússtólum, sófum og ýmsu smálegu sem gerir aðstöðuna hlýlega. Mig langar því að benda á að ef einhver á gömul ónotuð húsgögn í geymslunni hjá sér, erum við meira en tilbúnar til að taka þau að okkur, við munum hugsa vel um þau.

Eitt af því sem er ánægjulegast við starf Sólstafa eru viðbrögð bæjarbúa. Þau hafa verið vægast sagt frábær! Margir hafa gefið sig á tal við okkur á götu úti eða jafnvel hringt eða skrifað okkur og lýst yfir ánægju sinni með þetta framtak. Einnig virðast margir hafa öðlast kjark til þess að leita sér hjálpar því mjög margir hafa leitað til okkar.

Fræðslufundur um sykursýki

Opinn fræðslufundur um sykursýki verður haldinn í Fjórðungssjúkrahúsinu á Ísafirði fimmtudagskvöldið 14. júní kl. 20:00.

Fundurinn verður haldinn í matsal á 1. hæð sjúkrahússins. Arna Guðmundsdóttir, læknir á göngudeild sykursjúkra á Landsspítala Háskólasjúkrahúsi flytur erindi og fulltrúi samtaka sykursjúkra kynni starfsemi félagsins.

Fyrirspurnir, umræður og léttar kaffiveitingar. Allir velkomnir.

Samtök sykursjúkra.



Óháð fréttablað á Vestfjörðum í 20 ár
BÆJARINS BESTA
Stofnað 14. nóvember 1984 · Sími 456 4560 · Veffang: www.bb.is · Verð kr. 300 m/vsk

Sjáumst á
Suðureyri!



bb.is – fjölsóttasti vestfirski vefurinn



Gunnlaugur Jónasson.

Gunnlaugur sigraði

Gunnlaugur Jónasson (GÍ) sigraði í 1. flokki á Vestfjarðamótinu í golfi sem haldið var á Tungudalsvelli um helgina. Gunnlaugur fór holurnar 36 á 150 höggum. Í öðru sæti var Þorsteinn Örn Gestsson (GÍ) á 153 höggum og í þriðja sæti var Magnús Gautur Gíslason (GÍ) með 154 högg. Í öðrum flokki karla sigraði Guðjón Helgi Ólafsson (GÍ) á 170 höggum. Annar varð Jakob Ólafur Tryggvason (GÍ) á 175 höggum og Einar Valur Kristjánsson (GÍ) var í þriðja sæti á 178 höggum.

Í öldungaflokki sigraði Tryggvi Guðmundsson (GÍ) á 171 höggi, annar varð Finnur Magnússon (GÍ) á 190 högg og Birgir Jónsson (GÍ) varð þriðji á 198 höggum. Í unglingsflokki sigraði Ernir Steinn Arnarsson (GBO) á 166 höggum og Anton Helgi Guðjónsson (GÍ) varð annar á 169 höggum.



Sérsvaitarmenn leiða manninn til bifreiðar lögreglunnar eftir umsátursástandið í Hnífsdal.

Maður vopnaður hagla- byssu skaut að konu sinni

Karlaður á sextugsaldri var yfirbugaður eftir umsátursástand við heimili í Hnífsdal aðfaranótt laugardags. Sérsvait ríkislögreglustjóra var kölluð til og var flutt vestur með þyrlu Landhelgisgæslunnar, TF-LÍF. Þyrlan lenti á Hnífsdalsbryggju á fyrsta tímanum aðfaranótt laugardags og á þriðja tímanum hafði sérsvaitin náð stjórn á ástandinu og aflétt viðbúnaðarstigi.

Maðurinn var fluttur í fanga-geymslur lögreglunnar á Ísafirði. Daginn eftir var hann úrskurðaður í gæsluvarðhald til föstudagsins 15. júní.

Tilkynning til Neyðarlíunnar barst um kl. 23 á föstudagskvöld. Samkvæmt upplýsingum blaðsins mun maðurinn hafa hleypt af þremur skotum og í það minnsta einu áður en lögregla kom á vettvang, en engan sakaði. Sam-

kvæmt heimildum blaðsins var eiginkona mannsins á heimilinu og í námunda við manninn þegar skot reið af en hún komst undan og í öruggt skjól hjá nágrönnum sínum. Sömu nágrannar hringdu í Neyðarlíununa og tilkynntu um atburðinn.

Áður en sérsvaitin mætti á vettvang höfðu lögreglumenn frá Ísafirði rýmt nærliggjandi hús, og beðið aðra íbúa um að

halda sig innandyra. Sjálfir héldu þeir uppi umsátursástandi en fóru ekki nærri húsinu. Sérsvaitarmenn umkringdu svo húsið og náðu fljótlega samband við manninn. Eftir að hafa rætt við hann í um fimm mínútur í dyragættinni var hann færður í handjárnnum af vettvangi.

Ekki liggur fyrir hvers vegna maðurinn skaut að eiginkonu sinni. Samkvæmt upplýsing-

um frá lögreglu var hann mjög ölváður en ljóst er að sama hvert ástand hans var á umræddum tíma; ekkert réttlætir notkun skotvopna. Að sögn lögreglu bar konan að auki áverka í andliti og þurfti að flytja hana á sjúkrahúsið á Ísafirði til aðhlyningar.

Óhætt er að segja að atburðirnir hafi haft áhrif á íbúa í Hnífsdal sem margir hverjir urðu afar skelkaðir.

Oddatá kaupir allar fasteignir og tæki Kambs á Flateyri

Oddatá ehf. og Fiskvinnslan Kambur ehf. hafa gert með sér samning þar sem Oddatá kaupir allar fasteignir og tæki Kambs á Flateyri. Oddatá ehf. er félag að stærstum hluta í eigu og undir stjórn Kristjáns Erlingssonar. Í tilkynningu kemur fram að félagið vill með kaupnum leiða uppbyggingu á margþátta starfsemi með aðkomu sem flestra aðila. Markmið beggja samningsaðila er fyrst og fremst að

viðhalda og efla blómlega byggð á Flateyri og hafa eigendur Kambs með aðkomu sinni að samningnum lagt sitt af mörkum til að gera það framkvæmanlegt.

Oddatá ehf. stefnir að því að stofna rekstrarfélag um vinnslu á frosnum og ferskum afurðum á Flateyri. „Fyrirtækið vill gera allt sem það getur til að sem flestir starfsmenn Kambs haldi vinnu sinni. Þekking og reynsla starfs-

manna er lykillinn að hagkvæmri vinnslu og því vilja eigendur Oddatá ehf. stuðla að því að heilindum að starfsmönnum Kambs verði gert kleift að taka þátt í uppbyggingu fyrirtækisins og taki jafnframt að sér stjórnun vinnslunnar að stórum hluta,“ að því er segir í tilkynningu.

Hráefnisöflun hins nýja félags mun byggjast á kaupum á fiskmörkuðum og viðskiptum við báta heimamanna.

„Miklar vonir eru bundnar við þá aðstöðu sem til er í landi, m.a. beitningarplássi og frystiklefum, þannig hægt verði að auka umfang fiskveiða frá Flateyri. Á sama tíma stefnir Oddatá ehf. að því að bjóða upp á aðstöðu og leita eftir samstarfi við fleiri aðila, tengdum eða ótengdum fiskiðnaðinum, um nýting annarra eigna,“ að því er segir í tilkynningu.

Sjá einnig fréttir á bls. 9.



Kambur hf. á Flateyri.